
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<http://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation


Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



BS11666

3/20/4
open

L'EXCELLENT ROMANT
 NOMME'
IEAN DE PARIS,
Roy de France,

LEQVEL APRES QVE SON
 Pere eut mis le Roy d'Espagne en son
 Royaume, par sa proüesse, & par ses
 pompes & subtilitez, épousa la Fille
 dudit Roy d'Espagne, laquelle il em-
 mena en France, & vesquirent lon-
 guement en grand honneur à la gloire
 de la France.



A LYON,
 Chez André Olyer., rue Tupin.

M. DC. LXIII.



THE
 NATIONAL
 ANTHROPOLOGICAL ARCHIVES
 SMITHSONIAN INSTITUTION
 WASHINGTON, D. C.

GOVERNMENT OF THE STATE OF
 NEW YORK
 OFFICE OF THE COMMISSIONER OF
 THE LAND OFFICE
 ALBANY, N. Y.
 JANUARY 1, 1880



ALBANY, N. Y.
 JANUARY 1, 1880
 ALBANY, N. Y.

COMME LE ROY D'ESPAGNE
*se ietta aux pieds du Roy de France pour luy
 demander secours, & comme le Roy de
 France luy promit de le
 secourir.*

CHAPITRE I.

L fut jadis en France vn Roy fort sage &
 tres-vailant, lequel auoit vn tres-beau fils
 de l'age de trois ans, nommé Iean, n'en auoit
 point d'autre de la Reine sa femme, qui estoit vne ver-
 tueuse Dame. Le Roy de France se tenoit à Paris,
 avec la pl^e grãde partie de la Noblesse de son Royau-
 me. Ledit Roy vnoit en vn incôparable deduit, &
 iouas en la noble ville de paris, d'autãt qu'il n'y auoit
 nulle nouvelle de guerre en France, parce le Roy, &
 tous les Barons en grãds triophes & richesses abo-
 doient. Vn iour comme le Roy venoit de la Messe
 accompagné de ses Barons & Cheualiers, ainsi com-
 me il estoit à l'entrê de son Palais, car ledit iour se
 faisoit vn solennelle feste arrina deuant luy le Roy
 d'Espagne, lequel en grand pleurs & gemissemens
 se ietta aux pieds du Roy de France, & incontinent
 le Roy de France se baissa pour le leuer, car incon-
 tinent il le cogneut bien : mais ledit Roy d'Espa-
 gne ne se vouloit nullement leuer, ny parler ne

pouuoit, & faisoit des grands soupirs, dont le Roy en auoit pitié, & tous les Barons & Cheualiers qui estoient autour de luy. Quand il vit qu'il ne se vouloit leuer, il luy dit, beau frere, ie vous prie que vous leuez, & de vostre courroux vneillez reformer tant que nous scauons la cause: car en bonne foy, vous promettons qu'à nostre pouuoir ayderons à la mettre à fin, de mienx qu'il nous sera possible, si faire le pouuons. Si se baissa derechef & dressa le Roy d'Espagne lequel commença à dire en se recōfortāt & criant à haute vois: Tres-Christien & puissant Roy, ie vous remercie humblement, de la belle offre que vōtre benigne grace a pleint me faire, & pour ce que vous & vos predecesseurs estes le conseruator de toute Royauté, Noblesse & Iustice, ie suis venu vers vous, pour vous dire mon infortune & douloureuse complainte, Scachez sçez, qu'un grand tort & sans raison, & sans content d'un nouveau tribut, qui auoit esté mis en mon Royaume pour eūter l'entreprise du Roy de Grenades infidelle à nostre Roy, qu'il auoit faict cōtre mon Royaume & à la sainte Foy Catholique, les Nobles de mon Royaume ont par leur faux doné à entendre au peuple, & seduit à l'encontre de moy qu'ils mont voulu faire mourir, & m'en suis fuy le mienx que i'ay peut, & en l'estat que me voyez, tiennēt la Reyne ma femme, & vne mienne Fille qui n'a que trois mois, & assiegé vne de mes villes appellée Segonie, & ont delibéré de la faire mourir, pour mienx auoir le Royaume à leur volonté. Et en racontant ces paroles le cœur luy serra & tomba, palmé aux pieds du Roy de France lequel le fit instantement releuer. Et quand il fut en son sens rassis le Roy qui auoit pitié de luy: luy dit: Beau frere d'Espagne, n'afflige plus vostre cœur par tristesse & courroux:

courroux:& prenez courage,tousiours vertueux comme auez estez par cy denât:car ie vous iure sur ma foy que demain matin i'envoyeray de mes lettres en Espaigne aux Barôs & peuple du Royaume,& que s'ils ne vous veulent obeir ,i'yray moy mesme en personne pour les mettre à la raison.

Comment le Roy de France escrivit aux Barôs d'Espagne,qu'il eussent à venir reparer le tort & des bonneur qu'il auoit fait à leur Roy.

CHAPITRE II.

Quand vient le lendemain au matin , le Roy fit escrire vne lettre,ainsi qu'il s'ensuit : Dessus la marge estoit escrit,De par le Roy,& la lettre cōtenoit ainsi. Tres chers & bien aimé:Nous auons receut la plainte de nostre cher & bié ayménous auos receu la plainte de nôtre cher & bié aimé Frere le Roy d'Espagne,vôtre droict & naturel Seigneur,qui est telle,qu'a grand tort,& sans cause l'auiez chassé de son Royaume,& qui plus est tenez assiegée notre belle sœur la Reyne sa femme , & plusieurs autres grands & enormes cas qu'auiez fait contre luy, qui sont de très mauuais exemples à toute Royauté & Noblesse. Pource est il que nous voulons scanoir la verité de tout , pour y donner telle punition & provision qu'il appartiendra estre faicte par raison : car nous l'auons mis en nostre protection & sauuegarde luy sa Femme , sa Fille & tous les biens. Et vous mandons qu'incontinent & sans deley, vous yuidiez le siege de devant la ville ou est la Reyne vostre naturelle Dame , & luy faictes faire obeissance,comme

vous luy auez fait aparauant. Et aussi vous viendrez des principaux d'entre vous, iusques au nombre de vingt avec bonne compagnie, pour dire les causes & le suiet de vostre rebellion contre vostre Roy & sonnerain Seigneur, & pour faire aux rebelles iustice exemplaire, comme de raison. Et outre ce nous vous certifions, que si vous y faites faute, nous y irons en personne, & en ferons telle punition, qu'il en sera perpetuelle memoire. Fait a Paris le premier de Mais. Et au dessous estoit escrit : Aux Barons & peuples d'Espagne. Le Roy fit incont'ient depescher vn Messager, auquel furent baillées lescdites lettres, & le Roy luy commanda qu'il fit la plus grande diligence qu'il pourroit, aussi fit-il car en cinq semaines il fut allé & venu.

*Comment le Heraut du Roy de France apporta
la respone qui luy auoient faict les Barons
& Cheualiers d'Espagne.*

CHAPITRE III.

Q Vand ledit Heraut fut arriué a Paris, il s'en vint tout droit au Palais descendre de son chenal, & mōra les degre & vint en chambres où le Roy estoit, il loi fit la reuerce, & se iettā a genoux lui dit: Sire, a vo^e plaise scauoir, que i'ay esté a Segonie où i'ay trouué grād peuple denāt, qui tiennēt la ville assiegée, & la Reyne aussi, i'ay presētē vos lettres aux Barons & Capitaine de l'armēe, qu'incōtinēt s'assemblerēt, & firēt lire les lettres par vn de leurs gēs, & apres qu'ils les eurent fait lire, ils me firēt tirer a part, & prindrent conseil. Au bout de deux heures apres lescdits

lesdits Barons m'enuoyerent querir, & me firent res-
 ponce de bouche tant seulement, en disant qu'ils se
 merueilloient grandement, dequoy vous prenez tant
 de peyne & soucy d'une chose que rien ne vous tou-
 che, & que vous ne vous mettiez en telle aduenture
 ne d'ager de les aller chercher au pais d'Espagne pour
 telle occasion, & que pour ce que leur dit Seigneur &
 Roy vous aye fait, ne vous en devez meller si auant,
 car par vos lettres, ny par toutes vos menaces, ils ne
 laisseront ce mettre afin à leur entreprise, & disent
 qu'avec vous ils n'ont rien affaire. Je les requis qu'ils
 me baillassent leur respõce par escrit; mais ils me ré-
 pondirent, qu'autre chose n'en autroy ie. Et me firent
 commandement, que dans six heures ie yuidasse le
 siege, & bien tost le pais, quand ie vis qu'autre cho-
 se ne pouvois faire m'ensuis retourné. Et me semble
 que la Ville est assez forte à l'encontre d'eux, & ne
 la pourront prendre d'un long temps, s'il y a des vi-
 ures dedans & gens qui soient loyaux à leur Dame.
 Quand le Roy eut cette respõce, il fut mal con-
 tent, & non sans cause mais le Roy d'Espagne, &
 tous les Barons de ce estoient bien ioyeux, car ils
 auoient grande volenté que le Roy y allat en armes,
 comme il fit.

*Comment le Roy de France arriva en Espa-
 gne. & ne trouua personne en chemin
 sinon le Gouverneur d'Espagne,
 lequel s'enfuit.*

CHAPITRE IV.

Quand le Roy fut près d'Espagne, il mit ses gens en belle ordonnance & donna la charge de l'avangarde au Roy d'Espagne, ils entrèrent par la Byscaye tousiours serrez ensemble, car ils n'estoient loin les vns des autres de deux ou trois lieues. Et ne trouuerent aucune aduerture iusques à ce qu'ils furent bien auant en Espagne, où ils trouuerent le Gouverneur du pais, avec vingt-cinq mille combattans, qu'il auoit amassez, & estoient fort mal accoustrez. Et quand ils aperceurent les François qui venoient bien serrez & rangez, le cœur leur faillit, & s'enfuyrent de la peur qu'ils auoient, dequoy les François ne firent compte, car ils voloient aller leuer le siege de deuant Segonie. Si arriuerent deuant vne ville qui leur fut ouuerte, appelée Burgues, bonne ville, & le Roy de France les reçut à mercy à cause de leur prompte obeissance.

Cōment les Ambassadeurs des Barōs d'Espagne vindrent deuant le Roy d'Espagne pour auoir paix.

CHAPITRE V.

En icelle ville de Burgues sejournerēt huit iours le Roy de France & le Roy d'Espagne: Cependāt le Roy de France remit en obeyssāce grāde partie des villes d'alentour Et ceux qui estoient rebelles, il les faisoit raser & mettre tout à feu & à sang: les autres qui venoient à mercy, il leur pardonnoit. Tellement que le bruit & l'effroy fut si grand par toute l'Espagne que toutes les villes citez & chasteaux apportoint les clef, & venoient faire obeyssāce au Roy de France. De là ils s'en allerent à Segonie, mais ils trouuerent en chemin l'Ambassade des Barōs du Siege, qui venoient

noient deniers le Roy pour traicter la paix. Et furent faictes plusieurs remonstrances au Roy de Frâce de la part desdits Barons, se complaignàs à gråd tost du Roy d'Espagne leur Seigneur. Mais pour faire brieve conclusion, le Roy de Frâce, qui fort sage & vaillant estoit, cognoissant leur mauuaise volonté, fit response que si bon leur sembloit, qu'ils se missent en defence, car iamais il ne les prendrois à merci, iusque à ce qu'il verroit que tous les Nobles vinssent à genoux deuant leur Roy, & luy crier merci & le peuple en chemise teste nue, & que des plus coupables il en parunissent iusques au nombre de cinquâte, afin qu'il en fut perpetuelle memoire. Ceux qui'estoiet venus pour ladite Ambassade furent bien estahis, & non pas sans cause & raison, voyant qu'à la puissance des Frâçois, ne pouuoient resister, & mesmement que desja les deux tiers du pais estoiet en sa puissance. Ils ne firent que faire, sinon qu'ils obtindrent du Roy dix iours de respit, pour aller notifier les nouelle à ceux qui les auoient, annoyez en Ambassade.

*Cōmēt les Ambassadeurs des Barons d'Espagne
apporterent la responce que leur fit le Roy
de France.*

CHAPITRE VI.

LE peuple fut incontinent separé d'avec les Seigneurs parce qu'ils ne pouuoient resister, & vindrent tous à la mercy du Roy de Frâce, en la forme que les Ambassadeurs leur apoiēt denoncé. Le Roy les receut fort honnorablement, & s'informa diligemment des principaux seducteurs du peuple & trouua que quatre des plus aparens Barons d'Espagne auoient machiné cecy pour paruenir au Royaume

à leur vouloit. Ceux furent prins, & iusques à cinquante de leurs complices que le Roy fit mener avec luy à Segouie deuers la Reyne, laqu'elle vint en grād honneur, & fort belle compagnie aux denant dudit Roy de France & de son mary, prèsde quatre lieues. Quand elle fut deuant le Roy de France elle se mit à genoux d'aussi loin qu'elle le peut voir, & de là ne se voulut lever, iusques que le Roy de cendit bien hastinemēt, & la dressa, puis la baissa, & la Reyne qui fort sage Dame estoit, dit ces paroles. Helas ! tres haut & puissāt Roy qui pourroit recompēser le bien & secours que vostre benigne grace auez dōne à cette pauvre captive. C'est chose impossible à tous les humains : mais nostre Seigneur Iesus-Christ donne grace à mon Seigneur mon mary & à moy d'y faire le possible, & veuille par sa bonté le recit luy parfaire. Belle sœur & chere pame, fit le Roy de France, qui fut fort content de son hō recueil, cela est tout recompesé, ne parlons plus que de faire bonne chere. Or allez Dame, voiez le Roy d'Espagne vostre mary, qui vient apres les prisonniers, & gens de vostre Royaume. Tres cher Sire, dit elle, vous voyāt ie vois tout, si ne vous laisseray ie point, mais qu'il ne vous desplaise, iusques à la ville. Quand le Roy vit la grande humilité de cette Dame, il la fit monter à cheual, & s'en retourna arriere & la mena avec luy vers le Roy d'Espagne son mary, lequel luy fit vne grande feste & bien venue. Ils allerent tous trois, c'est à sçavoir, le Roy de France, le Roy d'Espagne, & la Reyne la Femme, en deuilant de plusieurs choses, iusques à la ville de Segouie, uqui fut toute rendue, & ornée de tapisserie, le plus richement & somptueusement qu'il fut possible de faire.

Comment le Roy de France entra en la ville de Segouie avec le Roy & la Reyne d'Espagne, & aussi les prisonniers qu'ils amenoient avec eux.

CHAPITRE VII.

ENviron quinze iours dura la feste à Segouie, où furent faits beaux ébattemés & iouistes, que ie laisse pour cause de briefneté. Mais le Roy de France faisoit tousiours faire la iustice de ceux qui auoient commencé de faire l'injure contre Roy d'Espagne. Il fit au bout de quinze iours dresser vn eschaffaut droit au milieu de la ville, & là deuant le peuple fit decoler les quatre principaux coupables du cas. Puis ennoya en chacune bonne ville, cinq des autres pour monstrer exemple au peuple de bié seoir & obeyr à leur Roy, mieux qu'ils n'auoient fait auparauant, & qu'vn chacun y print exemple. Apres cela fait, mit le Roy d'Espagne en son Royanme, & fut mieux obey que iamais n'auoit esté auparauant. Celsà fait, le Roy delibera de retourner en France avec son armée, car il auoit mis tout le país d'Espagne en bonne paix.

Comment le Roy & la Reyne d'Espagne virent que le Roy de France s'en vouloit retourner, le vindrent remercier & luy recommanderent leur fille.

CHAPITRE VIII.

QUand le Roy & la Reyne d'Espagne virent que le Roy s'en vouloit retourner en France ne scauēt en quelle façon il le doiuent remercier du service qu'il leur auoit fait. Pourquoy il vindrēt deuant luy, & deuant tout le peuple se mettre à ses pieds: en disant: Tres-haut & puissā Roy, bien scauons que bonnement ne pouuez icy demeurer, pour les grāds affaires de vostre Royanme de France.

ce.

ce, si scauons bien qu'à nous est possible de vous pouuoir recompenser en aucune maniere, mais toutes fois ce que nous sera possible, desirons de faire & accomplir, si vous requerons que vueillez mettre sur nous & sur nos successeurs, tel tribut & reueu qu'il vous plaira: car de vous & de vos successeurs voulons d'oresnanant tenir nostre Royaume cōme layaux sujets, & à raison il vous appartient, & d'auantage que nous ne vous disons Quand le Roy de France euyt ces paroles il ne eut fort grand pitié & leur respondit en les releuant. Mais bons amis, croyez que nulle enuie d'égager peis, ne m'a pas fait venir par deça en ce Royaume, mais le de sir & vouloit de la iustice augmenter, & les honneurs Royaux entretenir & garder. Je vous prie humblement que plus ne me soit parlé de ces paroles, ains vous laisser à tant que ne greuez personne, mais pensez de faire bien & sagement gouvernez tous vos suiets en bonne iustice & crainte de Dieu car vous prosperez, & non autrement. Et si rien ne vous suruiét, faites le moy scauoir car sans nulle faute ie vous secouriray. Eux voyant le grand amour & cordialité que le Roy auoit enuers eux, la Reyne d'Espagne print sa petite Fille, qui auoit enuiron l'âge de cinq à sis mois entre ses bras, & vint denant le Roy de France, luy priant qu'à sō plaisir fut d'esconter vne petite requeste qu'elle luy vouloit faire. Je le veux bien, dit le Roy. Adonc la Reyne cōmença à dire ainsi Sire puis qu'en vous aons toute nostre esperance, nous vous requerons que cette pauvre Fille que voyez icy entre mes bras vous soit recommandée: car iamais n'auont esperance d'auoir autre enfans, nous sommes desia fort d'âge. Parquoy si Dieu luy dōne la grace de venir en âge cōpetant pour
se

se marier, vostre plaisir soit la pouruoir de Mary comme il vous plaira & que verrez que luy sera necessaire. Et à iceluy bailler le gouuernement de ce pais, car nous voulons que de par vous il soit ordonné Roy comme bon vous semblera. Quand le Roy de France vit leur humilité, le cœur luy attendrit, & eut grand pitié d'eux, & leur respondit en cette maniere: chers amis ie vous remercie de la grâde amour qn'auiez euer moy, sçachez que vostre fille n'est pas de refuser, & si Dieu donne la grace à mon fils de venir en âge parfait, & vostre fille aussi, ie serois fort ioyeux qn'ils fussent cooints par mariage ensemble, & si Dieu me dône la grace de viure iusques à l'heure, ie vous promets que mon Fils n'aura autre femme que vostre fille. Helas! Sire, Dieu merci, n'entendez pas que mon Seigneur mon mary & moy soyons si presomptueux que ie vous aions dit & requis à celle fin que la preniez pour vostre fils, mais seulement pour quelque Seigneur de vos Barons cōme vostre bon plaisir sera car trop nous ferez d'honneur de luy donner mon Seigneur vostre fils Certes, dit le Roy ce qui est dit est dit, s'il plaist à Dieu que nous viuions, il en sera plus auant parlé, car maintenant n'en pouuons bonnement autre chose faire si prendrons congé de vous.

Cōment le Roy de France apres qu'il eut prins congé du Roy & de la Reyne d'Espagne il s'en retourna en France.

CHAPITRE IX.

Pour abreger, le Roy despartit d'Espagne à grand plur & lamentations du Roy & de la Reyne, & de tous ceux du pais, qui accompagneret grâde

espa

espace de temps. Et le Roy d'Espagne donna de riches dons aux Barons & Cheualiers de France, tellement qu'il n'y auoit en toute l'armée petit ne grand qui ne s'en reioynt, & qui ne tient le Roy de France vaillant & puissant Roy. Ils firent donc tant par leur iournées qu'ils arriuerent à Paris où ils furent donc tant forthonorablemēt recēus, & dura la feste dix iours puis chacun print congé du Roy qui les enuoya fort contents en leur pays.

Comment le Roy de France mourut, donc fut mené grand duel par tout le Royaume de France.

CHAPITRE X.

LE bon Roy de France au bout de quatre ou cinq ans apres il print vne maladie, qui longuement luy dura; tant qu'à la fin il en mourut, dont il en fut grand dommage au pais, & en fut mené vn grand duel par tout le Royaume, & principalement la Reyne sa femme, qui fort l'aymoit. On le fit embaumer, comme à tel Seigneur & Prince appartenir, & fut enterré honorablement. La Reyne, qui estoit fort sage, print le gouuernement du Royaume, pource que son fils estoit encore en bas aage, & le gouverna en bonne paix, tranquillité & vnion de tout le Royaume. Quelque peu de temps apres fut sacré Roy Monsieur Jean son fils; parquoy on fit par tout le Royaume vne grande reioyissance. Nous laisserons à parler d'eux, & retournerons au Roy & à la Reyne d'Espagne, que si bien garderent

les bons enseignemens , que le Roy de France leur
 atoit donné , pour gouvernement de leur pays &
 Royanne en tres bonne paix, iustice, & amour de leur
 suiets

*Comment le Roy d'Espagne eut nouvelles cer-
 taines que le bon Roy de France estoit mort, dont
 luy & la Reyne demeurèrent en grand dueil.*

Chapitre X I.

EN ce temps là le Roy d'Espagne eut nouvelles
 comme le Roy de France estoit allé de vie à tré-
 pas, dôt fut mené vn merueilleux dueil par le Roy
 & la Reyne, & les Batons du pays : & n'y eut Monaste-
 re n'y Eglise & Conuent où le Roy & la Reyne ne
 fissent obieques & oraisons pour l'ame du bon Roy
 de France : & en porterent le dueil vn an, & firent fort
 bien leur deuoir. Toutes fois il n'est pas dueil, qu'an
 bout de quelque temps ne s'appaise, & qu'il ne s'on-
 blie, & meisme quand les parties sont loing l'vne de
 l'autre : Le Roy & la Reyne d'Espagne firent nourrir
 leur fille fort bien, & luy firent apprendre des bonnes
 mœurs : & parler tous langages : tant qu'on ne sca-
 uoit fille en tout le Royaume d'Espagne plus belle,
 plus sage, gracieuse & mieux moriginee qu'elle estoit.
 Le pere & la mere, c'est à le Roy & la Reyne
 denchoient vieux, & n'auoient autres enfans que
 cete fille, de l'age de quinze ans : & penleret entre eux
 qu'il estoit besoin de temps pour mieux faire, &
 pour leur consolation de la marier à quelqu'vn
 qui gouverneroit le Roy, & faisoient enquerir
 par toutes terres, si on pouoit trouuer mary qui fut
 propice

18 *L'Excellence Romane*
propice pour ladite fille, car ils auoient du tout oublié la promesse que leur auoit fait le Roy de France, tant qu'à la fin les nouuelles en viendrent au Roy d'Angleterre, qui pour lors estoit vefue : pour quoy il se delibera d'envoyer des Ambassadeurs en Espagne.

Comment le Roy d'Angleterre fiança par Procureur la fille du Roy d'Espagne.

Chapitre XII.

LE Roy d'Angleterre qui ouyt parler de cette fille, qui estoit tant belle, & tant sage, se pensa en luy mesme qu'il la fit demander. A cette fin il enuoya en Espagne vne grãde compagnie de ses barons & chevaliers en ambassade, pour demander la fille du Roy d'Espagne en mariage. Et donnerent lesdits ambassadeurs beaux & riches presens au Roy, à la Reyne, & à la fille d'Espagne. Et firent tant enuers le Roy & la Reyne que leur fille fut acordée, dont la fille n'en fut pas contente : car on luy auoit rapporté que le Roy d'Angleterre estoit desia vieux & cassé, mais pour l'amour de son Pere & de sa Mere n'en oloit dire mot, à fin qu'ils ne fussent maris & controuuez contre elle. Les fiançailles furent faictes par procureur, & la fiança le Comte d'Anclastre au nom du Roy d'Angleterre, dont les Anglois furent bien aises, & en firent grande feste, donnerent de fort beaux & riches ioyaux à leur nouvelle Dames, & aux Damoiselles, & au bout de huit iours s'en voulurent retourner pour rendre responce à leur Roy, comme ils auoient exploité. Et fut prins terme d'espouser, & promurent que dans ledit temps ils ameneroient leur Roy pour paracheuer le mariage, & prindrent congé les uns des autres, & se partirent les Anglois bien

bien ioyeux d'Espagne , de ce qu'ils estoient bien employez en cét affaire. Et firent tant plusieurs iournées , qu'ils arrinerent en Angleterre là où le Roy les festoya merueilleusement.

Cōme les Ambassadeurs du Roy d'Angleterre luy apportèrent nouvelles de ce qu'ils auoient fait avec le Roy & la Reyne d'Espagne.

CHAPITRE XIII.

ALors les Ambassandents furent receus avec vn grand hōneur & magnificence du Roy d'Angleterre leur Seigneur , & leur demanda comment il auoient fait touchant l'affaire pourquoy ils estoient allez en Espagne; Le Comte d'Angleterre luy respondit, Que comme eux furent arrinez en Espagne, ils parlerent au Roy & à la Reyne , lesquels nous firent responce, qu'ils estoient bien ioyeux du mariage, & que vous leur auiez fait beoucoup d'honneur, pourquoy sans plus attendre ie fiançay pour vous, comme Procureur , & auons prins terme d'esponser d'aujourd'huy en quatre mois ; Le Roy oyant telles nonnelles, fut si surprins de ioye, qu'il fit crier par Lédres, qu'on n'outrist les boutiques de huiet iours, & qu'on fist feste. Cependant le Roy d'Angleterre fit faire vn grand appareil pour esponser celle qui auoit desia gaigné son cœur : car il desiroit fort de la contenter, parce qu'on luy auoit rapporté secrettement, qu'elle ne ptenoit pas grand plaisir à ce mariage. Et parce que le Roy d'Angleterre ne trouuoit pas assez dans son pays de draps , d'or delibera d'aller à Paris , pour acheter bagues & ioyaux

cōme il estoit de besoin. Il partit du Royaume d'Angleterre en belle compagnie: car en ce temps, il n'y auoit aucune nouuelle de guerre. Il vint donc descēdre du costé de la Normandie, avec bien quatre cens Cavaliers, tous vestus selon la mode de leur pays, & firent tant par leurs iournées, qu'ils arriuerent à Paris, où estoit le ieune Roy de France agé de dix-huict à vingt-ans, tant beau & sage que c'estoit merueilles, & par la Reyne sa Mere il se gouuernoit si bien, que ladite Dame tenoit tout le Royanme en bonne amour, paix, concorde, & bonne iustice à chacun.

*Comment la Reyne de France enuoya au deuant
du Roy d'Angleterre plusieurs Gentils hōmes,
Barons & Cavaliers.*

CHAPITRE IV.

QUand la Reyne de France sceut la venñe du Roy d'Angleterre, elle fit aller au denant de luy plusieurs Barons & Bourgois de Paris. Ce iour n'estoit pas le ieune Roy dedans Paris, il estoit aller a la chasse au sanglier dans le bois de Vincennes, là où il demeura tout le iour. Le Roy d'Angleterre estāt entré dans la Ville de Paris, il vint voir la Reyne laquelle le festoya honorablement. Et ainsi qu'ils estoient au souper, le Roy d'Angleterre declara à la Reyne la cause de son voyage, & pourquoy il estoit passé par la France, & ne fut parlé au souper d'autre merite: car le Roy d'Angleterre y auoit grande affection. Apres soupper les instrumens vindrent & dancèrent & firent la meilleure chere qu'il fut possible. Le Roy d'Angleterre souhaittoit fort voir le ieune
Roy

Roy de France. Et apres qu'ils eurent longuement deuillé & passé le temps ensemble, le Roy d'Angleterre s'alla retirer avec toutes ses gens, qui furent fort ioyeux du recueil & de l'honneur que la Reine luy auoit fait. Quand le Roy d'Angleterre fut en sa chambre il loüa grandement la Reyne de France d'un si grand honneur qu'elle leur auoit fait. Alors la Reyne estant en sa chambre, il luy souuint des paroles que son mary luy auoit dit quand il renint d'Espagne, qu'il auoit promis son fils à la fille du Roy d'Espagne & desiroit fort la Reyne que son fils fut marié. Elle enuoya querir le Duc d'Orleans & le Duc de Bourbon, qui auoit esté en Espagne avec le Roy de France, & leur dit en cette maniere: Mes Cousins, je vous ay enuoyé querir comme mes principaux amis, & de mon fils. Vous auez ouy parler des grands biens qu'on dit estre de la Fille d'Espagne: il est temps comme vous voyez, que le Roy mon fils soit marié. Je me suis pensée que plus beau mariage ne pourroit se trouver, si la fille est telle que l'on dit. Parce ie vous prie que m'en conseillez, car ie croy bien que si le Roy d'Espagne sçauoit que mon fils la vult auoir, volontiers la luy donneroit. Les Seigneurs respondirent à la Reyne qu'elle ne pouuoit mieux faire. Si se tiendrent fort coupables que plustôt n'en auoient parlé: & à même heure s'en allerent au bois de Vincennes vers leurs nobles Roy & Seigneurs, & luy dirent les nouvelles. Ils le trouvent couché: mais sçachant qu'ils estoient arriuez, il les enuoya querir pour sçauoir qui les mouuoit de venir si tard.

Comment le Duc d'Orleans & le Duc de Bourbon allerent de nuit au bois de Vincenne.

Quand les Barons eurent conté au Roy les paroles qui auoient esté entre la mere & eux, il leur dit qu'il s'allaissent coucher, qu'au matin il y penseroit, & leur feroit responce. Lors les Barons prirent congé de luy, & s'en allerent se reposer; pour quand ils s'en furent allez, le Roy pensoit dormir; mais il ne peut, ains veilla toute la nuit & en pensant à la beauté & grace qui estoit à la fille; car elle luy estoit ia entrée au cœur: mais il doutoit le refus, pource que le Roy d'Angleterre l'auoit ia demandée. Il delibera en soy vne fort belle raison, & proposa de la mettre à fin, ce qu'il fit, & plus sagement que onques fit hommes. Quand vint le matin, le Roy se leua, qui n'auoit pas oublié sa besongne, il dit aux Barons ie veux aller deuers ma mere si secrettement que ie ne sois apperceu de personne: mais allez vous en deuant, & me faites assembler tous les principaux de mon conseil en quelque lieu secret. Adonc partirent les Barons du Bois de Vincennes, & allerent à la noble ville de Paris; car pas loin n'estoit le Roy, & allerent deuers la Reyne, & luy dirent ce qu'ils auoient dit au Roy Iean son fils, & comment il venoit dissimulé, car il ne vouloit point estre connu des Anglois, pource qu'il connoissoit que le Roy auoit affection à la besongne. Si vint vers la Reyne sa mere, & incontinent qu'elle le vid, luy fit vne grãd bien venuë. Il fit assembler les principaux de sa Baronnie & de son Conseil pour prendre la conclusion necessaire, commença à dire à la Reyne sa mere.

*Comme le Roy de France vint dissimulé pour la peur
 qu'il auoit qu'il ne fus connu des Anglois.*

CHAPITRE XVI.

MA chere Dame & mere j'ay entendu ce que m'anez mādé, & y ay assez pēsé. Bien ſçanez vous & mes parés qu'icy ſont ne me voudrez conſeiller choſe qui ne ſut à mon honneur & profit. Si la choſe eſt tellecōme on dit, i'y voudrois bien entendre, car mieux ne ſçauois trouuer: mais i'y voy deux grands obſtacles & empêchemés; Pource qu'elle eſt fiancée au Roy d'Angleterre, qui va l'épouſer, & par auenture le Roy d'Eſpagne ne voudra pas rōpre la promeſſe. Et y ainſi eſtoit, ce nous ſeroit vn grand deſhonneur & reproche perpetuel. L'autre point eſt, que ſi le Roy d'Eſpagne la nous oſtroye le ſandra accepter, & le remercier, & puis quād nous l'autrons venē ſi elle ne nous eſt agreable, ce ſeroit vne autre grande vilenie, de luy auoir fait perdre ſō premier mariage, & comme ſçanez, c'eſt vne choſe qui doit venir de franche volōté: car c'eſt longue chaſſe que mariage. Et pour donner à ces deux poinets concludion, j'ay penſé d'aller en Eſpagne en habit diſſimulé, le plus triomphant qu'il me ſera poſſible, & changeray mon nom, & feray aller mon armée par vn autre lieu & mes chariots qui tous, les iours ſçauront des nouuelles, & quand il ſera arrivé par delà, ſelon que ie verray la maniere d'eſponſer on nous le verray. Je vous prie de me conſeiller, à mon opinion. Quand la Reyne ouyt ſagement parler ſon fils, elle fut ioyeuſe; & tous ceux du Conſeil, & elle luy dit; mon fils, il me ſemble qu'avez ſagement prins voſtre intention de vous en aller comme avez dit: car nul mariage ne ſe doit faire ſi les parties n'y conſentent, & qu'elles y viennent par vray amour, autrement il en vient des grāds iq-

conueniens : pource ie suis de vostre opinion , pour-
 nen toutes fois qu'an plus haut estat que faire se pour-
 ra y alliez, si d'auanture aduenoit que le mariage se
 fit:& que mon Seigneur vostre pere en vint en grand
 honneur;parquoy ne faut pas amoindrir vostre estat,
 il est besoin que foyez fort pompeux pour tousiours
 faire craindre vostre Royaume. Pour abbreger, nous
 fusmes decete opinion,& apres que tout fent conclu,
 on ordonna que le ieune Roy ne verroit nullement
 le Roy d'Angleterre, sinon secrettement; afin qu'il ne
 fust connu de luy. Et fut ordonné que tous les draps
 d'or & de soye les plus beaux ; bagues, chaines, col-
 liers , & autres choses necessaires seroient retenus &
 prins pour porter en Espagne , & qu'on en laisseroit
 vne partie pour fournir le Roy d'Angleterre . & que
 cependât la Reyne L'entretiendroit sept ou 8. iours,
 jusqu'à ce que le Roy seroit prest de partir. La Reyne
 fit ouvrir tous les thresors du feu Roy son mary, qui
 estoient merueilleusement grands ; car iamais n'auoit
 eu guerre qu'en Espagne, parce il se trouua grande
 abbondance de richesses & ioyaux , lesquels le Roy
 print pour porter avec luy. Le Duc d'Orleans en en
 charge de faire l'apprest de ce qui estoit necessaire, il
 print cent des plus honnestes Barons de la maison
 du Roy , qui estoient de son âge, & cent ieunes Pages
 qui estoient fort beaux , il les fit tous habiller de li-
 ntee comme il luy sembloit pour le mieux, le Roy re-
 tourna au bois de Vincenes, & dit au Duc d'Orleans
 qu'il fit la plus grande diligence que faire se pourra,
 & qu'inquontinant que les Pages & Barons seroient
 prais, qu'ils les luy amenast à Vincenne où il seroit.
 Cependant le Duc d'Orleans , & le Duc de Bourbon
 qui eurent ladite charge firent apprester deux mil-

hommes des plus grands de son Royame , & quatre mille Archer avec les Costiliers & Pages pour conduire & garder les grands nombres des coffres & bahus qu'il menoit : dans iceux furent mis draps d'or & de soye bagues & autres richesses innombrables : & fit mener avec lesdits Chariots Conturiers & Brodeurs , qui ne faisoient autre chose que faire des habillemens de diuerses manieres. La Reyne entretenoit le Roy d'Angleterre le mieux qu'elle peut , en attendant que son fils fut prest.

Comment les cent Cheualiers, & les cent Pages arriverent vers le Roy de France.

CHAPITRE XVII.

Les cent Barons & les cent Pages en belle ordonnance arriverent vers le Roy à Vincennes, habillez si honnestement que c'estoit merueille, & le temps que lors conroit , il estoient tous vestus de velours noir bordé tout à l'entour de fin or ; & leurs pourpoints de satin cramoisi. Ils estoient fort beaux & bien en point , mais par dessus tous les susdits , estoit le Roy de France, beau & grand homme estoit. Il deffendit incontinent à tous ses gens , qu'ils ne dissent à personne qu'ils estoit, sinon qu'il auoit nom Jean de Paris, & qu'il estoit fils d'un riche Bourgeois de Paris qui luy auoit laissé beaucoup de moyens & grandes richesses apres sa mort. Quand il sceut que le Roy d'Angleterre vouloit partir , il ne manqua aussi de partir , & print son chemin par la Beauce : car il scauoit que le Roy d'Angleterre vouloit tirer du costé d'Orleans ; & de la a Bourdeaux, par où il s'en alla deuant iusques à Estampes Et quand il fut aduertit que le Roy d'Angleterre venoit , il despartit d'Estampes , & se mit à chevaucher de vers la Baillie

tout bellement, pour promptement atteindre le Roy d'Angleterre. & ce fut vn mardy. Le Roy Iean de Paris se faisoit nommer, & chenauchoit avec deux cens chenaux grisons, & telles gens comme auez ouy.

Cōme le Roy d'Angleterre enuoya vn de ses Herants, pour sçauoir qui estoit le Chef.

CHAPITRE XVIII

ALors le Roy d'Angleterre commanda à l'un de ses Barons, qu'il allast querir vn Herant, & incontinent il vint. Le Roy luy dit qu'il allast voir cette belle compagnie, & qu'il s'enquist qui en estoit le Seigneur, & qu'il le saluast de sa part. Et incōtinent le Herant se partit du Roy d'Angleterre, & picqua son Cheual, & fist tant qu'il arrina près d'eux, puis il regardoit comme ils chenauchioient en belle ordonnance, & tous les chenaux pareils, il ne sçeut que faire, car il leur sembloient estre tous Anges venus du Ciel: car en sa vie il n'auoit veu vne si belle compagnie. Il print courage, & se mit à la garde de Dieu & vint iusques au plus près des derniers tout honteux & tremblant, & dit, Dieu vous gard mes Seigneurs, le Roy d'Angleterre mon maistre, qui vient icy apres moy, m'enuoye vers vous pour sçauoir qui est le Chef d'une si belle compagnie. Amy, dit l'un d'eux: elle est. Iean de Paris nostre maistre. Est-il icy? On y respondirent les François, il chenaucher bien loin deuant vous, semble-il que ie luy puisse parler? On y dirent ils, mais que vous vous hastiez vn peu de chenaucher. Et comment le connoistray-je? Vous le pourrez connoistre, car il est habillé comme les autres, mais il porte vne petite verge blanche en la main, alors respondit le Herant, grand mercy, puis chenaucha parmy la presse, & courut tant

tant qu'il vid celuy qu'on luy auoit montré & luy fit vne grande reuerence avec modestie, le salua fort honorablement, en disant, Tres-haut & puissant Seigneur, ie ne sçay vos titres peünet honorer si m'aurez pour excuse, plaie vous sçauoir, mon tres-redouté Seigneur, que le Roy d'Angleterre mon maistre m'envoye deners vous, pour sçauoir qu'elles gens vous estes: car il est icy bien prés, & desiro fort estre en vostre compagnie, Mon amy, vous luy pourrez dire, que ie me recommande à luy, & que s'il cheuauche vn peu legerement, il nous pourra atteindre, car nous ne cheuauchons pas fort. Et que luy diray-ie qui vous estes? Mon amy, vous luy direz que c'est Jean de Paris. Le Herant s'en retourna vers son Seigneur tout émerveillé de ce qu'il auoit veu, il cheuaucha fort iniques qu'il fut vers son maistre. Et quand il y fut arriué, luy raconta les grands triomphes & nouvelles qu'ils auoit veu disant, ils sôt environ deux cens cheuaux tous d'un poil, & y auoit cent Pages tout d'un meisme âge, & les plus belles gens qu'il eüst iamais veu.

*Comment le Roy d'Angleterre cōmanda à ses Barons
qu'ils cheuauchent fort, quant il eut nouvelles
de Jean de Paris*

CHAPITRE XIX.

OR cheuauchons, dit le Roy d'Angleterre, & commanda à ses Barons qu'ils cheuauchassent pres de luy en belle ordonnance. Ils cheuaucherent tant qu'ils se vindrent ioindre aux derniers. Quand ils les vid, il fut fort émerveillé; toutes fois les salua doucement, ils luy rendirent son salut. Messieurs, dit le Roy d'Angleterre, ie vous prie de me montrer Jean de Paris, pource qu'on m'a dit qu'il

est Seigneur de cette compagnie. Sire dirent iceux : nous sommes les seruiteurs, vous le trouverez vn peu plus auant, & pour le mieux connoistre, il porte vn baston blanc en sa main, chenauchez denât pour l'atteindre. Alors le Roy d'Angleterre dit, ie m'en vay parler a luy, & tant chenaucha regardant çà & là qu'il arrina vers lean de paris, & le salua avec grâde modestie, disant Dieu don honneur & ioye à lean de Paris, & ne vous deplaise si ie ne sçay vos dignitez, principalement tiltre de vostre Seigneur ie : Sire dit noble lean de Paris, vous le sçauiez bien : c'est mon droict tiltre que lean de Paris, vous soyez le tres bië venu, & vostre compagnie si belle & si honorablement accoustree de beaux habillemens; mais s'il vobis plaist me direz vostre nom. Volontiers dit le Roy d'Angleterre, ie suis appelé le Roy des Anglois; A la bonne heure, dit lean de Paris, où allez-vous en ces marches? Vrayemēt dit le Roy d'Angleterre, ie m'en vay marier avec la fille du Roy d'Espagne à la bonne heure, dit lean de Paris, & moy ie m'en vay passer le temps par le pays, car ie m'ennuye à Paris, & i'ay deliberé d'aller iusqu'à Bourdeaux & ailleurs si le courage me le conseille? Or me dites beau Sire, dit le Roy, s'il est vostre plaisir, de quel estat vous estes, que telle compagnie menez. c'est la plus belle que ie vis onques. Il luy respondit ie suis fils d'un fort riche Bourgeois de Paris, qui trespassa il y a long-temps, & me laissa beaucoup de biens, donc ie vay en dépendre vne partie, puis i'en amasseray d'autres; Commēt amasser, dit le Roy menez vous ce train à vos dépēs? ony veritablement, & c'est bien peu de chose quant à moy, vñ ce que mon pere m'a laissé : pat ma foy dit le Roy, vous en ferez bien-tost au bont, car il n'y a

Roy

Roy fut terre qui ne fut bien las & chargé d'entretenir vñ si bel estat. Veritablement dit Iean de Paris, il ne vous en doit ia soucier: car , il nous faut aller coucher aujourd'huy près d'Orleans, à six lieux pour le moins. Si s'en vont cheuchant plus fort qu'ils n'auoient acoustumé, & le Roy disoit quelquesfois à ses gens: C'est homme est bien fol d'ainsi aller dépendant le sien par le pays à si grand trióphe & honneur & fut-il Roy où Empereur, Sire dirent les gens il a fort belle contenance , s'il n'estoit bien sage il n'eut pas scien assembler pour argent vne telle compagnie, bien est vray, dit le Roy, si ne sçay que penser, mais c'est chose impossible à croire que le fils d'un Bourgeois de Paris puisse maintenir tel état, piquoit & venoit parler à Iean de Paris, qui ne tenoit conte de luy que bien pen & en bonne forme.

Comment le Roy d'Angleterre s'en alla en son logis, & comment Iean de Paris luy enuoya de ses biens au soupper.

CHAPITRE XX.

LOrs que Iean de Paris fut entréen son logis, il fut joyeux, car le soupper estott peest, & avoit quantité de venaisons & vollailles de toutes sortes , car il y avoit des gens qui ne faisoient autre choses que d'aller à travers pays pour trouver & acheter tout ce qui estoit necessaire, parquoy rien ne leur manquoit. Les gens du Roy d'Angleterre firent tuer boeuf, moutons & vieilles poules , telles qu'il les pouvoient trouver. Vous pouvez penser si elles estoient bien tendres. Quand il falut soupper, Iean de Paris fait porter au Roy d'Angleterre dans des plats

plats d'or de viandes de toute sortes , & du vin à grand foison, dont le Roy & tous les Anglois furēt fort ébahis. Le Roy les remercia , & s'assit à table pour soupper, tandis que cette viande estoit chaude, car son souper n'estoit pas prest, Grand parlement faisoit le Roy & ses gens, de Iean de Paris, les vns disoient, il est bien fol de dépendre vn si grand tresor lequel est impossible d'y pouuoir fournir loguement. Les autres disoient, si a il vne fort belle contenance, & semble bien estre sage homme. Certes , dit l'autre, c'est merueille de la grande audace qu'il tiēt: car il ne tient conte du Roy, non plus que de son pareil: Mais comme a il si tost trouuē vne telle promission, dit le Roy, comme il nous a enuoyē: ny qu'elle vaisselle a il? c'est vne chose biē dure à croire, qui ne verroit, toutes fois c'est vn bean passe-temps que d'estre en sa compagnie, pleust à Dieu qu'il voulut tirer nostre chemin. Certes, Sire dit vn Anglois, si fait il iusques à Bourdeaux, comme il dit. l'en suis fort ioyeux, dit le Roy, nous n'auons rien à luy enuoyer, mais ie veux que vous soyez six, qui irez le remercier des biens qu'il nous a enuoyē.

Comment le Roy d'Angleterre enuoye six de ses Barons remercier Iean de Paris, des biens qu'il luy auoit enuoyē.

CHAPITRE XXI.

Les Barons du Roy d'Angleterre s'en allerent au quartier de Iean de Paris, qu'ils trouuerent tous foussoyez & barrez & auoit des gardes, armē à la porte, ils furent tous émerueillez , & demanderent ausdites gardes à qui ils estoient : Et respondirent nous sommes à Ieā de Paris, & vous à qui estes vo^r Messieurs, nous sommes au Roy d'Angleterre , qui

nous

nous enuoye vers Jean de paris, le remercier des biens qu'ils a enuoyez à nostre maistre. S'il vous pliait nous ferez parler à luy. Volontiers dirent ils, car il nous a commandé qu'aux Anglois ne soit rien refusé pource qu'il sont venus en la compagnie. Les Barons entrèrent tous émerueillés de ce qu'ils virent, & quand ils furent devant le logis de Jean de paris, ils trouuerent autres gardes qui gardoient la porte, auxquels ils firent reuerence, & leur dirent la cause de leur venue: & lors le Capitaine d'icelle garde alla sçauoir s'il les laisseroit entrer; & incontinent qu'il fut reuenu, il dit aux Anglois, Messieurs, nostre maistre est à table, nonobstant il veut bien que vous entriez, venez apres moy; & quand il entra en la sale où Jean de paris estoit, il se ietta à genoux, ainsi firent les Anglois. Quand ils virent vn tel estat, & que Jean de paris estoit à table tout seul, & les gens autour de luy en grand silence, & ceux à qui il parloit mettoient tousiours le genoux à terre. La salle estoit tendue de riche tapissierie, & le ciel & le pavement tout tendu aussi, Jean de paris festoya bien les Anglois, & leur gt merueilleusement grand chere, & en souppant denisa fort longuement avec eux; & quand il eut souppé, & graces furent dites, instrumens de toutes sortes commencerent à donner à grand melodie; l'on mena soupper les Anglois avec les Barons de France, & furent fort honorablement seruis, & tout de viandes chandes. Ils s'en émerueillèrent grandement de grande largesse des biens qui y estoient; apres soupper les Anglois prindrent coge, & s'en retournerent au Roy, auquel il racontèrent tout au long ce qu'ils auoient veu, dont il fut de plus en plus esbay, & ne sçuoit que dire, sinon que point

point il ne le laisseroit tant que leur chemin il vouldroit tenir. Quand vient au matin, Iean de paris alla à l'Eglise, où on luy auoit fait tendre vn riche panillon puis fit commencer la Messe avec les chantres qu'il menoit avec luy. Il y eut des Anglois qui l'allerent incontinent raconter au Roy, lequel s'en vint le plustost qu'il peut à l'Eglise Iean de paris luy manda qu'il vint en son panillon, ils l'allerent querir, & luy dirent. Sire, Iean de paris vous prie que de le venir voir dans son panillon, vous en ferez mieux à vostre aise. Le Roy leur respondit qu'il y alloit; & quand le Roy entra dedans le panillon, il salua Iean de paris, lequel luy rendit son salut, & luy fit place pres de luy. Et faisoit bon voir ledit panillon par dedans, & les beaux carreaux & oreilliers qui y estoit, aussi faisoit il beau voir les ornemens de la Chappelle. Quand la Messe ditte, chacun print congé & s'en vindrent en leur logis pour dèiener.

Comment le Roy & Iean de paris cheuaucherent ensemble deuissant de leur chemin.

CAPITRE XXII.

VN iour comme il cheuachoient par delà la ville de Bourdeaux le Roy d'Angleterre demande à Iean de paris, s'il yroit iusqu'à Bayonne, & Iean de paris luy respondit ouy. Le Roy dit plüst à nostre Seigneur que vostre voyage fut d'aller en Espagne. Certes, dit Iean de paris à l'aduenture si sera il; car si le vouldrois m'en préd, l'accompliray, s'il plaist a Dieu, a autre chose ne suis sujet apres Dieu, sinon a mon vouldoir. Car pour homme qui viue ie ne feray qu'a ma volonte C'est grand chose, dit le Roy, & si vous vivez longuement, il faudra changer de propos, ou vous sentirez que c'est de souffrete.

Comme

*Comme Jean de Paris & ses gens voyant la pluye venir
vestirent leurs manteaux & chapperons a gorge.*

CHAPITRE XXIII.

QUand Jean de Paris & les gens virent que la pluye venoit à force, ils prindrent leurs manteaux & chapperons à gorge, & vindrent jusques au Roy d'Angleterre, qui commença à les regarder en tel estat, qu'ils n'avoient garde de la pluye. Le Roy. luy dit, Jean de Paris mon amy, vous & vos gens avez tronpez bons habillemens contre la pluye: car luy n'y les gens n'avoient nuls manteaux, en ce temps-là n'en vsoient point en Angleterre, aussi ne scauoient pas la maniere de le faire, & pourtoient les Anglois leurs belles robes qu'ils avoient fait pour les Noces. Car en leurs pays on ne portoit n'y malles n'y bahus; donc vous pouvez penser en quel point estoient, leurs robes, les vnes estoient longues, les autres courtes, les autres fourrées de martres, de renards, & autres fourrures qui estoient retraites pour l'amour de l'eau, & le lendemain vous eussiez vu le drap qui flottoit sur les dites fourrures qui estoient gastées. Lors Jean de Paris dit au Roy, Sire vous qui estes Roy d'Angleterre & grand Seigneur, detriez faire porter à vos gens des maisons, pour eux couvrir en temps de pluye. Le Roy d'Angleterre se print fort à rire, & luy respondit, vraiment, mon amy, il faudroit avoir des Elephans à grand plante à porter tant de maisons: puis il se retira vers les Barons en riant & disant; n'avez vous pas ouy que ce galat dit ne demontre-il pas qu'il est fol? il luy est aduis pour le grand tresor qu'il a, lequel n'a pas acquis, que rien ne luy est impossible. Sire dirent les Barons Anglois, c'est un beau passe-temps que d'estre apres

aupres de luy, & ne vous en deuez ennuyér, mesme-
ment il vous fait beaucoup de plaisir, & si passez
plus ionyeusement le pays, que plût à Dieu qu'il vou-
lût aller avec vous aux nopces; car tout vostre estat
en seroit honoré, mais qu'il se voulust obliger à vous,
en luy donnant bonne somme. Je voudrois bien, die
le Roy; mais il ne veut se dire à nous, ce ne nous seroit
vn grand des-honneur. Alors, disent les Barons, Sire,
vous dites vray. Si laisserent parler les Anglois, car la
pluye les chargeoit tant, qu'il n'y auoit à qui le logis
ne tardat.

*Commēt en passant une petite riuere, beaucoup
de gens du Roy d'Angleterre se noyorent, com-
mēt Iean de Paris & ses gēs passerēt hardimēt.*

CHAPITRE XXVI.

QUand ils furent arrivez près de la riuere, le
Roy d'Angleterre & ses gens qui estoient de-
oût se mirēt à passer la riuere à gay, & y en eut
plus de 60. des nostres qui estoient mal montez, dont le
Roy fut fort fâché, Iean de Paris qui venoit apres
tout bellement, ne s'ébaïssoit pas d'icelle riuere,
car luy & sa compagne estoient bien montez, Et
quand ils furent à la riuere, ils commencerent à
passer l'un apres l'autre, en telle maniere que tous
passerent la riuere gayement. Et le Roy dit à Iean
de Paris, mon doux amy, vous auez vn meilleur
heur & aduenture en cette riuere que moy, qui ay
perdu beaucoup de mes gens. Lors Iean de Paris se
print à sospirer, & luy dit ie me émernille de vous
qui estes si puissant, & si riche, que ne faites porter
vn pont pour passer vos gens quand se vient aux ri-
uieres, car il vous seroit fort bien necessaire. Le Roy
se

se print à soufrire nonobstant sa perte, & dit, evous me baillez des belles raisons. Or sus chevançons, car ie suis fort mouillé, ie voudrois estre au logis. Adonc lay dit Jean de paris, feignant ne l'auoir entendu Sire, chassons vn peu par ce bois. En bonne fois, dit le Roy ie n'ay temps de chasser à present. Ils chevancherent fort, & arriverent chaëun à leur logis, là où les Anglois lamentoient la perte de leurs amis & parens qui estoient noyez dans la riuere: toutefois ils firent la millieur chere qui leur fut possible, car il leur falloit aller aux nopces. Quand ce vint vn autre iour qu'ils estoient aux champs, & que le Roy auoit oublié ~~vn~~ ^{sa} partit de sa melancholie en chevanchant il demanda à Jean de Paris, mon amy, le vous prie dites moy pour quelle occasion vous estes venu en ce pays d'Espagne. Sire dit Jean de Paris, ie le vous diray volentiers. Il peut auoir quinze ans que feu mon pere, à qui Dieu fasse mercy, vint chasser en ce pays, & quand il partit il tendit vn petit lac à vne canne, & ie viens pour voir si la canne est prinse. Par ma fois dit le Roy en riant, vous estes vn grand chasseur, que si loin venez chercher vostre gibier, ie vous iure si elle estoit prinse, bien pourroit estre pourrie. Vous ne sçavez, dit Jean de Paris, les cannes de ce pays ne ressemblent pas, aux vostres, car ceux cy se gardent fort longuement. De cette responce rirent fort les Anglois, qui n'entendirent pas à quelle fin il le disoit, & dirent, les vns aux autres qu'il estoit demy fol. Quand ils furent près de la Cité de Beurgues où estoit le Roy & la Reyne d'Espagne, & dans laquelle ville les nopces se denoient faire, le Roy disoit à Jean de Paris, mon amy, si voulez venir à Beurgues avec nous, & vous aduonier à moy, ie

C

vous donneray de l'argent bien l'argemée & y verrez vne fort belle assemblee de Seigneurs & Dames Si rez dit Jean de Paris d'y aller ie ne sçay que i'en feray, car cela sera selon le voloir qhi me prendra: mais de m'obliger à vous, & à vostre subiection, ne pensez pas à cela, car ie vous iure que pour tout vostre Royaume, ie ne le ferois, ny de vostre argent ie n'ay que faire, i'en ay plus que vous: Et pource, le Roy d'Angleterre se partit, & c'estoit vn Samedi, & les nopces se denoient faire le lundy apres.

Commēt le Roy d'Angleterre arrina à Bourgues où, luy & ses gens furent honorablement receus.

CHAPITRE XXV.

ENviron trois ou quatre heures du soir, arrina le Roy d'Angleterre à Bourgues, où il fut fort belle & grande assemblée: avec le Roy d'Espagne estoit le Roy de Portugal, le Roy & la Reyne d'Aragon, le Roy de Navarre & plusieurs Princes & Barons, Dames & Damoiselles en grand nombre, qui tous firent grand honneur au Roy d'Angleterre. Mais quand la fille d'Espagne leur bien ven, regardé & bien considéré, elle ne fut pas trop ioyeuse, car sage fille elle estoit. Si pense en elle que ce n'estoit pas ce qui luy falloit: toutes fois la chose estoit si auancée, qu'autre remede n'y pouuoit mettre, pour garder l'honneur de son Pere & de sa mere. Si laisserons de parler d'eux & retournerons à Jean de Paris qui chenaucha tout le Dimanche ainsi que le Roy d'Angleterre, iusqu'à deux lieues pré de la Ville bien sçauoir le iour des esponsailles, & alla loger en vne Ville, qui estoit deux lieues de Burgues. Il ennoya deux Herauts avec cinq cents Cheualiers vers le Roy d'Espagne luy demander logis en la Ville pour Jean de Paris.

Comment

Comment les deux Herauts estant près de la porte, laisserent les cinq cents Cavaliers qui estoient venus avec eux, & n'entra dans la ville qu'eux, & leurs seruiteurs.

CHAPITRE XXVI.

LEs deux Herauts estoient vestus d'un riche drap d'or, montez sur deux haquenées blanches, tant richement harnachées, que c'estoit merueille. Quand ils furent près de la Cité, ils firent demeurer leurs gens, iusqu'à ce qu'ils fussent retournez, & ne menerent que chacun un page, qui estoient habillez de fin velours violet, & les accoutremens de leurs chevaux de mesme. Ils entrerent dans Ville, & allerent au palais du Roy d'Espagne, & demanderent à la porte où estoit le Roy & ils leurs demanderent à qui ils estoient. Nous sommes, dirent ils à Jean de Paris, qui nous a enuoyé icy pour dire quelque chose au Roy de par luy. On alla dire au Roy d'Espagne qui estoit à table avec toute la Barónie qu'il estoient arrivés deux Herauts, les mieux en point, qu'ils eussent iamais veu. & dirent estre seruiteurs de Jean de Paris, qui les enuoye devers vous que vous plaist-il, Sire que ie leur dise. Le Roy leur dit, entreprenez, les & leur ferez bonne chere, iusques à ce que nous aurons soupé, & puis nous parlerons à eux.

Comment le Roy d'Angleterre qui auoit ouy le Messager parler, commença à cōpter des faictz de Jean de Paris dont il fut bien ris tout le long du soupper

CHAPITRE XXVII.

Cependant le Roy qui coméent bien que Iéan de Paris vouloit venir à la feste commença à dire Mon tres cher Seigneur ie vous prie qu'aux Hérauts donnez bonne responce: car vous verrez de grandes merueilles., & voudrois bien sçauoir que leur maistre demande. Et qui est ce Iéan de paris, dit le Roy d'Aragon? Sire, dit il, c'est le fils d'un Bourgeois de paris qui mene le plus beau train qu'onques homme mene, il a avec luy bien trois cents cheuaux, & les plus belles gens que vous auez iamais veu. Ma foy: dit le Roy d'Aragon, ce seroit vne grande chose si vn simple Bourgeois de paris pouuoit maintenir l'estat si longuement, de venir iusques icy. Comment, dit le Roy d'Angleterre de la vaisselle d'or & d'argent de quoy il s'est seruy est bastante d'acheter vn Royaume. Lors dit le Roy d'Aragon que nous le voyons quoy qu'il conte, il en sera fort content dit le Roy d'Angleterre, car il est fort libre communicatif en son dire: mais me semble qu'il tient vn peu de la lune: car il dit des mots qui n'est chair ny poisson, & sans cela on le iugeroit pour sage homme. Et que dit il beau fils, dit le Roy d'Espagne: ie vous le diray dit le Roy d'Angleterre. Vn iour comme nous cheuauchions ensemble il pleuuoit fort, luy & ses gens auoient pris certains habillemens qu'ils faisoient porter sur des cheuaux, qui bien les gardoient de la pluye. Le luy dit qu'ils estoient bien en point contre la pluye, & il me dit que moy qui estoit le Roy, ie deuerois faire porter à mes gens des maisons pour les garder de la pluye. De ce mots on se mit à rire. Or Messseigneurs, dis le Roy de portugal, il ne se faut pas mocquer des gens en leur absence, ie ne crois point qu'il ne soit vn sage homme d'auoir trouué moyen de

de conduire vne telle compagnie si loing:aux parolés du Roy de Portugal donnerent grande foy les Seigneurs & Dames, encor n'auiez vous rien ouy, dit le Roy d'Angleterre. Vn iour passant vne grosse riniere, plusieurs de mes gens furent noyez, car la riniere estoit desbordée, ie regardoit avec vn grand regret de mes gens qui estoient noyez, & pour me consoler il me dit, Sire vous qui estes vn puissant Roy deuriez faire mener avec vous vn pont pour faire passer les rinieres à vos gens, de peur de se noyer: quand on ouyt ces parolés, le Roy d'Espagne commença à rire plus que deuant, & ce discours dura tout le long du soupper, Quand les tables furent levées & graces dites? le Roy d'Espagne enuoya querir les Herauts de Jean de paris, lesquels estoient beaux hommes par excellence, & les fit venir deuant toute la compagnie, lesquels entrerent hardiment, & saluerent le Roy & sa compagnie tres-honorablement comme vous ouyrez cy-apres.

Cōment les Herauts de Jean de paris entrerēt en la sale où estoit le Roy d'Espagne. pour demāder logis pour le Roy leur maistre & Seigneur.

CHAPITRE XXVIII.

Sire, Jean de Paris nostre maistre vous salue, & toute la compagnie: il vous prie luy faire deliurer logis propre pour luy & ses gens en vn quartier de c'este ville, & il vous viendra voir, & les Dames aussi. autrement il ne viendra point. Le Roy dit, pour des logis il n'en manquera pas. Sire dirent les Herauts s'il vous plaist à cette heure les nous ferez deliurer

pour voir s'il y pourroit loger. Le le vœux bien dit le Roy, il leur bailla son maistre d'hostel, & leur dit. Or allez de par Dieu mes amis, & si vous auez affaire de quelque chose n'espargnez rien, & le demandez, & ie vous le feray deliurer. Grand mercy Sire, dirent le Herauts, & allat par la Cité leur vouloient bailler logis pour trois cens Cheualiers: mais ils n'en tindrent compte. Et furent ramenez deuant le Roy, qui leur demanda s'ils auoient assez de logis, non certes car il nous en faut dix fois autant, si bien que nostre maistre & les gens puissent loger, Nous laisserons parler d'eux, puis vîmes des Herauts qui sortoient de la Cité, vindrent deuers les cinq cents cheuaux, & hommes qu'ils auoient laissez anparanant auxquels ils dirent les nouvelles qu'ils auoient receuës du Roy, lesquels ne cesserent toute la nuit d'accoustre tout ce qui estoit besoin pour l'ornement & accoustremēt des logis de Jean de Paris.

Comment les Herauts rendirent responce du Roy d'Espagne à Jean de Paris.

CHAPITRE XXIX.

Les Herauts cheminerent toute la nuit pour aller dite la respōce a Jean de paris, de ce qu'ils auoient fait avec le Roy d'Espagne. Estant arriuez deuant Jean de paris, il luy conterent comment ils auoient fait: depuis vn bout iusqu'à l'autre, pareillement de la grande beauté de la pucelle, qui fort plect à Jean de paris: il les fit retourner pour aller conduire les premiers cinq cents pour faire les logis, puis appella tous les Princes & Barons, & les pria commandemens, selon la forme & maniere qu'il auoit delibéré de tenir il ne faut pas demander si chacun auoit desir de le bien seruir, &

raffer

tascher à bien faire. Car le Maistre n'attendoit pas le valet, ny le valet le maistre. Et quand ils s'approchèrent du palais, le Roy d'Espagne fut curieux de voir Jean de Paris; & s'avança pour parler à luy.

Comment les Courtiers de Jean de Paris passèrent par devant le palais du Roy d'Espagne.

CHA PITRE XXX.

Le Roy d'Espagne leur dit, Meseigneurs, vous sçoyez les tres bien venus, dites nous, mais qu'il ne nous déplaie lequel est Jean de Paris, afin de le cognoistre. Sire, dit l'un d'eux, il n'est pas en cette compagnie. Et qu'estes vous donc, Nous sommes, dirent ils les Courtiers, qui venons faire préparer les logis. Quand les princes & les Dames qui estoient là oyrent cete response, & virent tant de Courtiers ils en furent tous estahis. Le Roy d'Espagne dit au Roy d'Angleterre: Comment beau fils, vous disiez qu'il n'avoit en tout qu'environ trois cents Chasaliers; & il en a là passé plus de cinq cents, & si ne viendra pas sans belle compagnie. Vrayement, dit la fille, voila de tres belles gens & bien en point; vous devez bien festoyer leur Seigneur, veu qu'il nous vient faire si grand honneur d'ainsi venir à nos nopces, car la feste en sera plus honorée. Ma fille, dit le Roy d'Espagne, vous dite verité, j'envoyeray vers les gens qui sont venus pour le faire fournir de linge, vaisselle, tapisserie, & tout ce qui luy est nécessaire. Il appella son maistre d'hôtel, & luy dit, allez au quartier qu'avez delivré à ces gens, & leur faictes bailler tout ce qu'il leur faut. Le maistre d'hôtel y alla, & les trouva en besoigne. Les vns faisoient des barrières, les autres posoient la tapisserie, qu'il sem-

bloit que ce fut vn monde. L'on ne parloit par le palais que de Iean de paris , dont la venüe leur tarδοit beaucoup. Le Roy fit chanter la Messe , & tous les Princes Seigneurs & Dames l'allerent onyr. Et quād yint vers la fin de la messe, voicy vn Escuyer courant qui vint, & dit venez voir arriuer Iean de Paris. Les Nobles Roy prindrent les Dames chacun en son endroit, & vindrent tous aux fenestres du palais, les autres sortirent en la rue pour voir.

Commet les conducteurs des chariots viendrent en belle ordonnance, & apres les chariots de la tapissierie.

CAPITRE XXXI.

A Donc arriuerent deux cents hommes d'armes bien en point, armez bardez comme le cas le requiert , & alloient deux trompettes devant , avec deux tambours de Suisse , avec vn phifre , & estoit monrez les gendarmes sur bons corsiers, qu'ils faisoient bondir & faire panades, que c'estoit vn triomphe à les regarder , & venoient deux à deux en fort belle ordonnance. Le Roy d'Espagne demanda au Roy d'Angleterre à qui estoient ces gens: Sire, ie n'en sçai rien : car point ne l'ay veu au voyage. Et alors le Roy de Navarre qui tenoit la Pucelle par la main, cria par la fenestre, qui estes vous Messeigneurs: nous sommes, dirent-ils , conducteurs des chariots de Iean de Paris qui vient apres nous. Hé ! Vierge Marie, dit la Pucelle , voicy vn estat triomphant , & somptueux pour le fils d'un Bourgeois : pensez vous belle sœur, dit le Roy de Navarre, j'en suis merueilleusement estonné , & me semble que c'est vn songe. Et comme ils parloient ensemble , voicy apparoitre les chariots de tapissierie trainés par des gros coursiers, & à chacun des chariots il y auoit huit coursiers fort

fort richement harnachez dont il y auoit vingt cinq desdits chariots tous conuerts de velours verd, fort riche : Helas ! dit la Pucelle , nous le verrons point, car il doit estre dans ces riches chariots. Le Roy de Navarre leur demanda: dites mes amis, qui est dedans ces chariots, c'est tapisserie dit l'un. Apres il en passa dix ou douze autres conuerts de verd, dans lesquels estoient la lingerie, dont furent fort émerueillés les Seigneurs & Dames.

Comment les autres vingt cinq chariots entrèrent, qui portoient les ustencilles de cuisine.

CHAPITRE XXXII.

INcontinent apres les premiers chariots, ils en aperceurent autres vingt-cinq avec puissans coursiers cōme les autres: mais ils n'estoient conuerts que de grands eau'de rouge, & le Roy de Portugal demanda à qui son ces chariots là. Ce sont les chariots de la cuisine du noble Jean de Paris, Je vous certifie dit le Roy de Portugal, ie me tiendrois bien honoré d'en auoir demy douzaine. Apres cela il en arriva vingt-cinq autres tous conuerts de damas bleu & tous les coursiers, estoient harnaché de mesme estoife, comme verrez cy-apres.

Comment il entra dans la ville les autres vingt-cinq chariots tous conuerts de damas bleu, portant les robes de Jean de Paris.

CHAPITRE XXXIII.

OR regardez, dit la Pucelle voicy venir d'autres chariots, encores plus riches que les autres. Et quand ils furent pres, on de manda à ceux qui les menotent: A qui sont lesdits chariots ? Ils respondirent ce sont les chariots de la garde robe de Jean de Paris. Hé Vierge quels habillemens peut il auoir Jean

de Paris, ne qui se pourroit ennuyet de regarder ceoy. Pais cria elle mesme à la fenestre, dites moy amy cōbié y a il de gardes-robes; Et il respondit vingt-cinq. de vrai, dit le Roy, vous avez des richesses pour acheter tous nos Royannes, il me semble que ie songe quand ie voy cecy. Le bruit estoit grand par toute la Cité & principalement au palais de la venue de cet homme: car les cheuaux hannissoient, & faisoient vn bruit que c'estoit merueille. Le Roy d'Angleterre estoit tout estonné de voir ce qu'il voyoit, & d'ouyr les rapports qu'on faisoit par la Cité de cet homme: car deluy on ne faisoit pas d'estime, mesmement qui pis estoit, il n'auoit loisir ny espace de parler ny iouer avec sa fiancée comme il denroit, dont il estoit fort marry. Toutes fois pour abbreger la matiere, ces vingt-cinq chariots estant passez, tantost vindrent les autres vingt cinq tous couuerts d'un volears sur velours cramoisi broché d'or fort riche franchisez d'or de Chapitres, & relussoient fort contre le Soleil. Quand on les vit approcher, chacun s'auança pour les regarder, tant Seigneurs & Barons que les Damoiselles, comme aussi fit toute la populasse.

Comment les chariots de la vaisselle de Iean de Paris entrerent.

CHAPITRE XXXIV.

PAr ma fy, dit la Pucelle, ie croy que Dieu de Paradis doit arriuet à cette heure, est il homme mortel qui puisse telle Noblesse assembler, ie vous asseure, dit le Roy de Navarre, si l'on m'eust dit que c'eust esté le Roy de France, ie ne m'en fusse pas esmerueillé, car c'est vn triomphant Royaume. Mais de Bourgeois ie ne scay où ie suis Comment dit la Pucelle vous semble il que le Roy de France pourroit bien

bien autant faire comme cetuy cy, Madame & douce
sœur, ie croy qu'ouy, quand il l'auroit bien entrepris,
Sur ma foy, dit-il c'est vne merueilleuse besongne.
Il me tarde fort que ie ne voy pour sçauoir si c'est
vn homme comme les autres Et les vingts chariots
estant passez, fort qu'un auquel le Roy demanda:
Dites mon amy, à qui sont les chariots conuerts de
cramoisi, Sire, c'est la vaisselle & bagage de Jean de
Paris. Et incontinent apres arriva deux cents hom-
mes d'armes tous en point pour combattre, & ve-
noient quatre à quatre en fort belle ordonnance, &
sans bruit. Le Roy d'Espagne appella le premier qui
portoit vn penon en la lace, & luy dit Monseigneur,
Jean de Paris est-il pas en cette compagnie? Sire,
respondit il ce n'est pas luy, & il ne sera icy de deux
heures: car luy & tous les principaux d'irent aux
champs, & sommes commis pour garder cent vingt-
cinq chariots qui sont icy deuant nous. Alors que les
chariots & les hommes d'armes eurent passé, le Roy
leur commanda qu'il s'en allassent disner, mais les
Dames dirēt au page, nous mettrōs des personnes en
bonne garde à la porte, à fin qu'elles s'y trouuassent
de bonne heure lors qu'il arriueroit: car elles di-
soient, tous les gens sont passez, il n'amera pas
plus grand troupe avec luy, & nous ne le verrons
arriuer. Ne vous en souciez, dit le Roy, ie feray plus
que vous marry, ie feray mettre bonne garde, que
nous en sçaurons bien-tost des nouvelles. Lors ils
allèrent tous disner, & toute la disnée ne fut d'autre
chose que des grandes merueilles qu'elles auoient
veües. Alors sortirent les Roys, Dames, Barons, &
Cheualiers, tenans chacun vne Damoiselle en main
& se mirent les vns aux fenestres, & les autres en
pleine

pleine rue, tant y à que les rues estoient tellement remplies de peuples, d'un costé & d'autre, que c'estoit meru eille.

Comment les Archer de la garde de Iean de Paris entrerent

CHAPITRE XXXV.

AVssi tost arriverent six clerons bien en ordre, qui sonnoient si melodieusement qu'il faisoit beau les ouyr, puis il vint un homme d'armes qui estoit monté sur un grand courfier bardé qui portoit un enseigne. Et apres luy venoit deux mille Archers bien montez, & avoient tous les hocquetons d'orfèverie qui fort reluisoit contre le Soleil. Le Roy d'Espagne demanda à celui qui portoit l'Enseigne, si Iean de Paris estoit là, il luy respondit nenny: car ceux-ci sont les Archiers de sa garde. Comment dit le Roy, appellés vous cecy Archiers qui tous semblent estre grands Seigneurs? Certes dit le Capitaine, vous direz bien autre chose avant qu'il soit arrivé, & passa outre menant ses gens le petit pas de deux à deux en fort belle ordonnance: pensez comment ils estoient regardez d'homme & femmes, & n'eussiez ouy un seul mot sonner, tant estoient enclins à regarder les merueilles qui venoient. Il vint un Heraut de Iean de Paris au Palais demander au Roy la clef d'une petite Eglise pour ouyr Vespres: car Iean de Paris les vouloit ouyr, parce qu'il estoit Dimanche. Le Roy luy dit mon amy vous aprez tout ce que vous demandez, mais ie vous prie de demeurer icy pour nous montrer Iean de Paris ie ne puis, dit le Heraut à presét, mais ie vous laisseray mon Page qui le vous monstrera. Si s'en alla, & dit à son Page que tout leur monstra.

Comment

*Comment il entra six autres clerons qui menoient les
Archers de l'arriere garde de Jean de Paris.*

CHAPITRE XXXVI

EN après vint six autres clerons & leur Capitaine devant , qui guidoit autre deux mille Adonc le Rby d'Angleterre dit : le croy que ces gens entrent par vne porte & sortent par l'autre pour nous faire amuser, vrayement dit le Roy de Portugal , ce seroit bien finement fait. Il enuoya deux de ses Seigneurs, & barons par deners le quartier du logis, qui allerent tout visiter , & estant de retour, ils firent le raport de ce qu'ils auoient veu. Tous furent espouuantez : car tous ceux comme ils disoient , ainsi qu'ils arriuoient on prenoit leur cheuaux , & se mirent en belle ordonnance. Et vous dit bien , ce dit celuy qui faisoit le rapport, que si vous prenez , tant soit peu de noise à eux , ils sont gens pour outrager tant qu'estes. Et n'a pas bien regardé de mettre tant de gens en cette ville, dit le Page qui estoit là lequel estoit bien induit à entretenir Dames & Seigneurs: car autrement n'eust en charge de demeurer en ce lieu. Il ne faut rien douter qu'ils viennent icy pour mal vous faire & tant y'a que quand vous luy feriez refus , il se courrouceroit contre vous, la Cité ne vous pourroit garantir. De vray dit le Roy d'Espagne , il soit le tres bien venu , Sependant passerent les deux autres mille Archers qui furent fort regardez.

Comment le maistre d'osiel de Jean de Paris entra honorablement avec les cens Pages d'honneur.

CHAPITRE XXXVII.

APres que les Archiers eurent passé , il arriva vn homme grand & bien formé , qui estoit vestu d'un drap d'Or, avec vn grand baston en la main, sur
vne

vne fort belle haquenée grise, & apes lui venoient les cent Pages d'honneur de Iean de Paris tous vestus de velours eramoisi, les pourpoints de satin broché fort riche, montez tous sur cheuaux grisons enharnachez de velours cramoisi cōme les robes des Pages, semées d'orfeurerie bien espaisse, & venoient leur petit train bien arrangez deux à deux, & les faisoit beau voir ils auoient tous les cheueux aussi blōds que fin or, qui leur battoient sur les espaules. Tellement que c'estoit chose admirable d'estre regardez, aussi estoient-ils de plusieurs maniere. La Pacelle se pensoit bien que ce fut celuy qui alloit denant les Pages, fut Iean de Paris, elle se leua debout pensant le saluer d'une belle reuerēce, & ainsi firent plusieurs Barons & dames; mais le page qui bien sçauoit l'affaire dit: Madamoiselle ne vous bongez que lors que ie vous le diray: car celuy que vous voyez là, est le maistre d'hostel de mon maistre qui est cette semaine en office, car ils sont quatre qui seruent par semaine, & apres luy mesme les Pages d'honneur il en va voir comme les logis sont apprestez.

*Comment vne belle compagnie & Iean de Paris
entrerent avec les trompettes.*

CHAPITRE XXXVIII.

Voicy arriuer vne belle compagnie, dont les trompettes furent tantost ouyes de ceux de la Cité. Apres venoit le Capitaine qui portoit vne banniere de taffetas blen, & n'auoit aucunes armes, de peur d'estre reconnu. Il estoit monté sur vn beau & merueilleux cheual, couvert d'un damas violet semé d'orfeurerie, si bien que de tout costé on ne voyoit que pierres precieuses, & estoit habillé de mé-

me couleur. Si le cheual estoit fier, aussi le estoit maître, & apres luy venoient mille & cinq cens hommes d'armes montez & habillez richement. Si l'un estoit bien en poinct, l'autre estoit encore mienx, Le Page dit au Roy & Dames l'estat qui en estoit, & furent émerueilliez, & disoient qu'ils estoient pour suiure le demeurant du monde.

Comment un Cheualier qui portoit vne espée, donc le fourreau estoit couuert d'orfeuerie, & de pierres precieuses, entra en grand triomphe.

CAPITRE XXXIX.

QVád les homes d'armes furent passez, il vint vn fort beau Cheualier, vestu d'un riche drap d'or, semé au rebras de pierreries, qui cheuauchoit vn grand courfier tout couuert de mesme, si non que la housse estoit de velours violet. La robbe du dit Cheualier trainoit plus bas que la housse du Cheual, & estoit fourrée ladite housse d'hermines richement: Cestuy là portoit en sa main vne belle espée dedans son fourreau, & ledit fourreau estoit tout couuert d'orfeuerie, & de riches pierreries qui esclatelloient grandement contre le Soleil, Alors le Page cria si hautement, qu'il fut ouy des Seigneurs & Dames du Palais, & dit: O Mademoiselle voyez cestuy là qui porte l'espée de Jean de Paris, il sera icy maintenant. Helas! mon amy regardez bien, à celle fin que vous nous le monstriez de bonne heure. Or si feray-ie, dit le Page, sans doute. Si vous eussiez veu venir les six cens hommes tous montez sur grisons, tout d'un poil & d'une force, pareil harnois, tous semez d'orfeuerie

feverrie tous le long des bors, tant que c'estoit belle chose que de les voir, & par dessus les croupieres des chevaux il y avoit des grosses campanes d'argent qui estoient attachées de grosses chaines d'argent & les Seigneurs qui estoient montez dessus estoient si beaux qu'ils ressembloient à des Anges, & estoient tous vestus d'un riche velours cramosi, comme les Pages estoient tous passez devant. Et venoient tous deux à deux en belle ordonnance.

*Comment Jean de Paris arriva en la Cité de
Bourgeois en grand triomphe.*

CHAPITRE XL.

ALors dit le Pages, mademoiselle, regardé en bas celuy qui porte vn petit baston ea la main, & vn colier d'or au col, regardez qu'il est bean personnage & gracieux, l'or de son colier ne luy change point la couleur de ses cheveux, la Pucelle fort joyeuse des paroles que le Page luy disoit. Si arriva Jean de Paris richement habillé, & à l'entour de luy y avoit six laquais, trois de chaque costé de luy habillé de drap d'or. Quand la Pucelle l'apperçeut, elle devint si rouge, qu'il sembloit que le feu luy sortoit du visage & fut toute ranie. Et le Roy de Navarre qui bien apperçeut, luy serra la main. Si tint la meilleure contenance qu'il fut possible. Et quand Jean de Paris fut au devant d'elle assez pres, elle luy tendit vn courrechef de plaissance qu'elle avoit en main, en le saluant bien doucement. Quand Jean de Paris la vit si belle, il fut frappé d'un dard d'amour, Et picqua son cheval des esperons qui fit vn tel saut, qu'il print le courrechef

couurechef, puis fit la reuerence, remerciant la damoiselle. Le Roy d'Espagne fut fort joyeux du recuel que la Pucelle luy auoir fait mais de ce n'estoit trop content le Roy d'Angleterre.

Comment les cinq cens hommes d'armes de l'arrière garde entrèrent en belle ordonnance.

Chapitre XLII.

Q Vand Iean de Paris fut entré, comme auez ouï, arriuerent les cinq cens homme d'armes de l'arrière garde qui estoient demeurrez derriere, pour scauoir si Iean de Paris auoit nul affaire. Et furent fort esbays les Seigneurs & Dames de voir tant de gens. Ma foy, dit le roy de Nauarre, il ne feroit bon prendre debat à vn tel homme, car au dementant du monde n'y a pas tant de richesses, qu'aniourd'huy en anons veupasser. Les Dames vindrent au Roy le requierir que son plaisir fut d'envoyer querir Iean de Paris: incontinent le Roy enuoy le Comte de Carion, & des Barons & Seigneurs avec luy, *Comment le Comte de Carion, & ses compagnons alleront voir Iean de Paris.*

Chapitre XLII.

L E Roy enuoay le Comte de Carion & de ses Barons & Seigneurs, & leur dit: Allez vous en deuers Iean de Paris, & le saluez de ma part & luy direz que moy & les Dames le prions qu'ils nous fasse ce plaisir de venir en nostre Palais pour commencer la feste. Adonc ils entrerent au quartier qui auoit esté deliuré à Iean de Paris, ils trouuerent les rues fossoyez & fortifiées, avec bonnes arrières & gens d'armes à grand nombre. Et trouuerent les gardes de la premiere barriere. Et le Capitaine leur demanda qui estes vous

Messeigneurs ? ~~Nous sommes~~ dit le Comte Carion au Roy d'Espagne, lequel m'a donné charge de venir parler à Jean de Paris. Or me suivez, dit il, avec vos gens. Apres qu'ils furent entrez en la petite salle qui estoit toute tapissée au dessus, & les costez d'un drap d'or à haute lice. Quand ils eurent un peu regardé, vint le Capitaine qui leur dit, attendez encore un peu, qu'on tien le conseil, ie n'oserois heurter a l'huis. Quand ils eurent un peu attendu, le Capitaine parla à un des Chambellans & luy dit que le Comte de Carion vouloit parler à Jean de Paris, voicy le Chancelier qui vient parler à vous, incontinent arriva le Chancelier, d'ant au Comte, que demandez vous ? Nous venons, dit le Comte parler à Jean de Paris par le Roy d'Espagne. Et comment dit le Chancelier, est il fort malade, qu'il ne peu venir iusqu'icy ? vous ne luy pouuez parler, & ne vous faut icy attendre. Quand le Comte & ses compagnons oyrent telle responce, ils s'en retournerent le plus bref qu'ils peurent.

Comment le comte de Carion estant arrivé devant le Roy d'Espagne, dit la responce, & ce qu'il avoit fait avec les gens de Jean de Paris.

CHAPITRE XLIII

Quand le comte fut entré en la salle, tous virent autour de luy pour oyr la responce: il leur conta comme les ruës estoient fortifiées, & les gardes qui les gardoient: ie vous assure, dit le Roy il doit estre bien subtil en l'estat de guerre, veu qu'il se tient sur la garde. Apres leur compta comment ils avoient trouué le capitaine de la garde en un fort

fort bel estat, lequel nous a mené en vne salle toute tapissée de drap d'or fin, & y auons esté l'espace d'un quart d'heure, cependant que le Capitaine estoit allé à la porte de Iean de Paris, à laquelle n'a osé heurter, & auons attendu qu'on aye ouuert l'huis, mais le Capitaine qui bien y auisoit, a veu vn des Chambellans à la porte, & nous a menez à luy, dont ie luy ay dit, Monsieur, ie suis le Comte de Carion, que le Roy d'Espagne enuoye pour parler à Iean de Paris. Or demeurez, dit-il, & ie l'iray dire au chancelier, lequel vint, & me demanda que ie voulois: & ie luy dis que le Roy m'enuoyoit parler à Iean de Paris: alors respondit en cette maniere, comment, le Roy est il si malade qu'il ne puisse venir dire ce qu'il veut? vous ne luy pourrez parler, & nous auons esté tous ésbahis, & incontinent nous nous en sommes retournez. Le Roy d'Angleterre de ce fut bien ioyeux, pensant qu'il ne se trouueroit point à la feste. Lors le roy d'Aragon dit, si le roy me veut croire, il l'ira conuier, & i'iray avec luy. Alors les Dames furent fort ioyeuses de ce que le roy d'Aragon auoit dit, & le remercierent humblement.

*Comment le Roy d'Espagne accompagné des autres
Rois inuiter Iean de Paris.*

CHAPITRE XLIV.

Vrayement dit le roy d'Espagne, il merite qu'en alle vers luy, allons voir si nous le pourrons amener, & croyez qu'il ne tiendra à moy de l'amener pour festiner avec les Dames: i'y

ray avec vous dit le Roy d'Aragon, de mesme le dirent tous les autres. Le Roy d'Angleterre pour faire du bon valet, dit Monseigneur : i'y vay : car nous sommes long-temps venus ensemble, & viendra plus volontiers : car desia ie l'auois semons d'y venir. Et bien dit le Roy d'Espagne, nous y irons mon beau fils & moy, & vous demeurerez pour entretenir les Dames, dit il au Roy d'Aragon & de Nauarre. Et quand ils furent a la premiere barriere, & virent que la rue estoit fortifiée, ils en furent esbahis. Le Roy dit aux gardes. Mes amis nous voulons aller parler à Iean de paris, s'il luy plait nous laisser entrer. Et qui estes-vous, dit le portier. Je suis le Roy de ce pais. Pardonnez-moy Sire, car ie ne vous connoissois pas. A vous n'est rien fermé, car nous l'auons par exprés commandent. Et quand le Roy d'Espagne fut dedans, ils furent émerueillez, parce que cheminant par les rues ils les voyoient si bien tapissées & remplies de gens d'armes. Quand il furent arriuez deuant le logis, ils truerent le cap; taine de la garde qui en vn riche estat. Le Roy luy dit Sire, pourrions nous pas parler à Iean de paris? Qui este-vous, dit le capitaine. Je suis le Roy de ce pais Sire, dit le capitaine, ne vous deplaïse, ie ne vous connoissois point, mais bien le Roy d'Angleterre. A vous Sire, n'est rien fermé ie me mettray deuant pour vous conduire. Lors se mit le Roy d'Espagne qui tenoit l'autre Roy par la main, avec grand nombre de Barons. Le capitaine heurta à la porte, & le chancelier vint au Roy, disant : Sire que venez-vous icy faire? certe dit le Roy, ie ne me pouois tenir de venir voir Iean de paris. Or venez donc, Sire, dit le chancelier

celier, ie vous le feray voir. et lors il heurta à la porte voicy vn des Huiffiers qui soudain ouurit le porte. Il trouua le chanceliers avec les deux Roy, qui dirent à l'Huiffier, que fait vostre meistre? Monsieur il est dedans son siege qui diuise avec ses Barons.

Comment le Roy d'Espagne & d'Angleterre accompagnez de plusieurs Barons entrèrent en la chambre de Iean de paris, comme il se leua de son siege pour leur faire reuerance.

Chapitre XLV.

AL'entrée de la chambre le chancelier se mit à genoux deuant Iean de paris disant. Sire, voicy le Roy. Quand le Roy le vit en si grand triomphe, il s'enclina bien bas, & luy fit vne grande reuerence. Aussi tost Iean de paris se leua de son siege, & le vint accoler, disant Sire, Dieu vous maintienne, & toute vostre belle compagnie. Je vous prie, dit le Roy de nous faire tant d'honneur, que de venir iusques au palais, vous y trouuerez le Roy & la Reyne d'Aragon & le Roy de Nauarre, & de Portugal, & plusieurs Seigneurs & dames qui fort vous desirent. Certes, dit Iean de paris vous, ny les Dames n'estes pas à refuser, faisens collation, puis les irons voir.

Comment Iean de paris fit apporter confiture de toute sorte, & vin de plusieurs couleurs.

chapitre XVI.

INcontinent apporterent confitures de toute sortes dans des grandes coupes d'or. Apres les bons vins de plusieurs sortes, dont le roy d'Espagne fut tout émerueillé. Quand ils eurent fait collation, Jean de Paris dit au roy. Or sus allons quand il vous plaira, & print le roy d'Espagne par la main droite & le roy d'Angleterre de l'autre, & se mirent en chemin. Et quand il fut arrivé à la porte, il dit au Capitaine de la garde, qu'il ne menast, que les Barons, & les cent hommes de son habit. Apres le Capitaine se mit devant avec ses cent hommes d'armes pour faire place, car grande estoit la presse. Les Seigneurs & Dames du palais estoient toutes deconfortées de ce que les roys demouroient tant: mais voicy venir vn Cheualier courant, qui dit, vovez-vous comment ccluy prend l'honneur devant les roys, & marche le premier? il est homme de grand hauteſſe, & ne monstre pas qu'il soit en pays estrange. Vrayement dirent les autres, non est, car il est par tout le plus fort qui luy donne courage: certes, dit la pucelle, la fierté qu'il en luy sert fort bien: car c'est vn vray miroir de beauté.

Comment Jean de Paris s'assit au plus haut lieu de la salle avec la pucelle, & dit: Messeigneurs prenez place, car nous avons prins la nostre.

CHAPITRE XL VIII.

Estant arriué Iean de Paris, entre le roy d'Angleterre & d'Espagne en la salle, les Seigneurs & Damoiselles luy vindrent au deuant, Iean de Paris salua le roy d'Aragon, de Nauarre, & Portugal; puis osta son chapeau & baisa les deux reynes, apres print la pucelle par la main bien priuement, & la baisa doucement, & luy dit: ie vous remercie ma douce sœur de vostre present: la pucelle dit à Iean de Paris: Sire vous auez amené vne fort belle armée. *Ma mie*, dit Iean de Paris, ie l'ay fait pour l'amour de vous. Et comment dit la pucelle en rougissant, pour l'amour de moy, ie vous le diray respondit-il: j'ay ouy dire l'on vous deuait combattre demain, & pource ie me viens offrir si vous auez affaire de mes gens d'armes qui ont bonnes lances. De ce mot fut grand bruit à rire parmi la salle: par mon Dieu, dit le roy, il les baille si à couuert, que nul ne les peut entendre.

Comment le Roy fit faire collation à Iean de Paris

Chapitre XLVIII.

Cependant le roy commanda d'apporter la collation qui tost fut prestee. Apres on apporta les coupes pour seruir, & les vindrent presenter toutes à Iean de Paris, lequel print, la sienne, & commanda de bailler les autres deux aux deux reines, en disant, Beuons nous trois pour depêcher, & les autres boiront quand il leur plaira. Si luy demanda le roy de Nauarre Iean de Paris, mon doux amy que dites-vous de vostre nouvelle mariée: certes, dit-il, ie n'en sçauois dire que bien & honneur: car il me semble que Dieu l'a formée à son loisir, & que rien n'y a ou-

blie : il ne luy manque qu'un bon cheuaucheur. Quand il entendit ces paroles, chacun se print grandement à rire. Vrayement, dit le Roy d'Espagne: Sire, vous sçavez bien ce qu'il faut aux Dames : mais en vos mots il faut tousiours glosier.

Comment le Roy d'Espagne demanda à Iean de paris l'explication des mots qu'il auoit dit au Roy d'Angleterre,

Chapitre XLIX:

Si ie n'auoit peur de vous desplaire, dit le Roy d'Espagne, ie vous demanderois l'explication d'aucuns mots que vous auez dit en chemin à beau fils. Certes dit Iean de paris, demandez ce qu'il vous plaira : car rien ne me sçauroit déplaire. Adonc dit le Roy, il m'a dit que quand vous veniez vn iour qu'il pluuyoit tres-fort, vous luy dites que luy qui estoit Roy, deuoit faire porter à ses gens des maisons pour les garder de la pluye en cheuauchant. Ie ne puis entendre comment ces maisons pourroient aller, & qui les porteroit. Iean de Paris se print à rire, & dit : Cela estoit de bon entendre : car il deuoit bien prendre exemple à mes gens, qui auons bon manteaux & chapeaux à gorge, avec nos houlleaux qui nous gardoient de pluye, & quand il faisoit beau temps nous les mettions sur nos habis, & ce sont les maisons que ie disois à vostre beau fils. Ha? dit le Roy, vous dites vray. Certes, dit le Roy Portugal à l'oreille du Roy, il n'est pas si fol comme vostre beau fils disoit. Encore vous demanderois-ie vne autre chose, dit le Roy. C'est qu'un iour vous luy dites : Qu'il ne faisoit porter à ses gens vn point pour mieux passer les riuieres. De ce, il n'y a pas grande explication : car elle est comme la premiere. Il est vray que si les gens eussent esté bien

montez

montez comme les miens, il ne s'en fut pas noyé
soixante ainsi qu'ils furent. Le Roy de Nauarre
dit vous luy baillez bien pour entendre. Or puis
que tant vous en auez dit le Roy. Je vous prie de
nous declarer le tiers, qui est que vous luy dites
que feu vostre pere estoit venu en ce pays, il y a en-
uiron quinzans qu'il auoit rendu vn lac à vne ca-
ne, & vous veniez voir si la canne estoit prinse. De
cela, dit Iean de paris, ie ne blasme, point le Roy
d'Angleterre: car il est difficile à entendre, & puis
qu'il vint a propos, ie suis content de le vous declar-
er. Il est vray qu'il y a enuiron quinzeans que feu
mon pere le Roy de France vint en ce pays pour
remettre vostre Royaume en vostre obeysance &
leuer le siege à la Reyne vostre Femme, icy pré-
sente. Et quand il s'en alla tous d'eux luy donna-
tes vostre fille, pour la marier à sa volonté. Et il
vous dit que ce seroit avec moy, & c'est le laç &
voic la canne que ie suis venu voir si elle estoi
prinse.

*Comment Iean de paris rebressa ses habillement en la
salle deuant les Seigneurs, & Dame pour
leur monstrier qu'il estoit.*

Chapitre L.

A Pres qu'il eut assez parlé avec le Roy d'Espa-
gne il rebressa sa robbe, laquelle estoit par de-
dans de velours bleu, semé de fleurs de Lys d'or.
Quand le Roy & la Reyne d'Espagne virent cela,
tous deux se ietterent à ses pieds avec leur fille, en
disant ! O tres puissant & Noble roy, nous vous
prions nous pardonner nostre offence, car tout
ce que vous auez dit est vray; car nous le scauons,
& la pluspart de mes Barons qui sont icy. Je suis
content de receuoir telle punition comme il vous

plaira: pour nostre fille, nous sçauons bien qu'elle n'est pas digne d'estre coniointe avec vous, & dès maintenant ie la vous iure pour la marier à qu'il vous plaira, & luy bailler possession de tout mon royaume: le roy de France les remercia: puis dit à la pucelle: ma mie, vous auez ouy ce que vostre pere & mere on dit, qu'en dites vous? car le fait vous touche, voulez vous le roy d'Angleterre? Tres haut & puissant Seigneurs, ie veux tenir de point en point ce que mon pere vous a dit, car les premieres promesses se doiuent tenir: ie me tiendrois bien-heureuse si i'auois vn de vos Barons: Dites moy donc lequel vous voulez, car chacun de mes Princes & Seigneurs portent les armes sous sa robbe.

Comment le Roy iean commanda au duc d'orleans, & de Bourbon, & plusieurs autres Seigneurs qu'ils rebrassassent leurs robes.

Chapitre LI.

LOrs le roy iean fit rebrasser les robes à tous les Barons qu'il faisoit beau voir: ils firent connoistre qu'ils estoient fort âgez, car, ils auoient esté en Espagne avec que feu le roy François: le roy iean demanda derechef à la pucelle: Auez-vous aduisé lequel vous voulez de ceux-cy? pensez-y Sire, dit elle à moy n'appartient de choisir: mais celui qu'il vous plaira, suiuant la promesse que mon pere fit au vostre. Ma foy, dit le roy de France, puisque vous voulez tenir la promesse de vostre pere, ie tiendray aussi la promesse que le mien fit, c'est que vous serez, ma Femme. Alors on se mit à rire, hors les Anglois, Ainsi les parties accordées. Le roy de France dit ie promets vous espouser demain matin au plaisir de Dieu & de vos amis: le roy & la reyne d'Espagne le remer

remercierent, & les roys d'Aragon, Portugal & de Nauarre luy demanderent, pardon de ce qu'ils ne luy auoient fait l'honneur qui luy estoit deu. Sire d'Angleterre, dit le roy de France, vous ne deuez estre mal content de cecy, car elle est à moy il ya qui nze ans, ie n'ay voulu fausser la foy de mon per e.

*Comment le Roy d'Angleterre s'en alla bien courroucé.
quand il vit que le Roy de France luy auoit oste
celle qui tenoit son cœur & sa pensée*

CHAPITRE LII.

VOyant ces choses, le Roy d'Angleterre fut fort courroucé, & partit du Palais à l'heure, monte à cheual, & s'en va luy & ses gens en son pais : apres le departement duoit Roy, on comança grande feste par le palais & par la cité, quand on sceut que c'estoit le Roy de France qui espousoit la fille : le soupper fut grand, & y furent seruis de plusieurs entremets qu'on apporta de la cuisine du roy de France: la pucelle estoit ioyeuse de son mary Jean de Paris, plus qu'on ne scauroit raconter.

*Comment le Roy de France espousa la fille du roy d'Es-
pagne en grand triumphe & honneur.*

Chapitre LIII.

LE iour que les nopces se deuoient faire de la fille d'Espagne en la ville de Burgues, habillé en habit du pais, ou luy mit la couronne que le roy de France luy donna qui estoit fort riche. Quand le soir arriva le roy de France, dit qu'il ne coucheroit point au palais, les Dames furent menées avec la mariée: cependat que les Dames la defabilloient, le roy de France vint

avec vne belle compagnie, il dit à son amie : & bien ma mie, vous déplaît il pas d'auoir laissé le palais de vostre pere ? elle respondit, Sire il le faut pas demander, car ie n'eust iamais telle ioye, comme i'ay eu quand ie ie me suis trouuée ceans. Ce mot pleut fort au Roy, & il l'acolla & dit: Or ça que donnerez vous à ces Dames & Damoiselles qui ont prins tant de peine pour vous? Voyla, dit il ces six coffres plein de bagues & drap d'Or, desportez les où vous voudrez : car pour ce faire ils ont esté aportez. La Pucelle s'agenouïlla, & honorablement le remercia: mais il la releua bien tost, & luy dit que plus elle ne le fit: & que d'oresnauant elle parlât à luy comme de pareil à pareil. Il n'est pas raison, dit la mere. Ie le veux ainsi, dit il & luy commanda de despartir ces bagues & ioyaux aux Dames & Damoiselles, parquoy elles se priferent fort.

Comment l'on coucha la Pucelle, & comment les Dames & Damoiselle se retirerent cha-

cun en son logis,

Chapitre L I V.

A Presque l'espousée eut esté deshabillée elle se coucha, & s'en allerēt les Dames & Damoiselles chacune en son logis. Si vint incontinent le Roy de France, à qui il tardoit bien l'heure, & estant deshabillé, se mit aupres de celle qu'il aimoit par dessus toutes creatures, car c'estoit la plus humble, & la plus belle, plus sage, honeste, & la mieux moriginée qui fut au monde. Dieu sçait le plaisir & ioye qu'ils eurent celle nuit : car elle en grossa d'un fils qui depuis fut Roy de France. Et quand vint le lendemain à l'heure du leuer, le Roy se leua, & s'en alla trouuer les Barons qui fort ioyeux estoient de leur Seigneur qui honnestemēt son pas conduisoit.

Dames viendrent voir la nouuelle Reyne, qui fort bonne chere leur fit. Et ainsi comme elles pensoiét l'habiller, vient vn Tailleur du Roy, qui leur dit: Mes Dames, ne vous desplaife, car elle doit estre au iourd'huy habillée à la mode Françoisé.

Comment les Tailleurs & cousturiers du Roy habillerent la Reyne à la mode de France

Chapitre L V.

INcontinent vindrent le Tailleurs & Cousturiers de par le Roy Iean habiller la ieune Reyne à la Françoisé & luy vestirent vne fort riche cotte d'vn drap d'Or, cramiosi, & par dessus vne robbe d'vn velours bien semée de fleurs de Lys d'Or, & luy mirét en la teste vn atour fort riche, avec vn colier d'Or au col, couuert de rubis & diamans, & au milieu vn escarboucle qui tendoit vne tres-grande lumiere. Et comme on l'habilloit de ces nouueaux habits, voic venir le Ro^y d'Espagne, de Portugal, de Nauarre, & d'Aragon, lesquels trouuerent le Roy de France qui estoit avec ses Barons, ils le saluerent humblement, & luy en fit de mesme. Et luy demanderent comme il se portoit. Fort bien Dieu mercy: vous trouuerez vostre fille saine & sauue. Nous luy allons faire la reuerence.

Comment le Roy de Nauarre dit à la Reyne de France qui les fleurs de Lys luy estoient montées dessus.

Chapitre L VI.

QUand les quatre Roy eurent fait la reuerence à la nouuelle Reyne, elle leur rennit leur salut



bien luy dit Roy de Nauarre en riant, comment Madame ma cousine, les fleurs de lys vous sont elles montées sur le corps? ouy, dit elle beau cousin mais encor en y a il beaucoup plus par dedans qu'il n'en sortiront. Quand tout fut prest on alla à l'Eglise qui fut richement tapissée & parsemée de fleurs de lys d'or fin & le Roy les donna à l'Eglise avec l'ornement de l'autel. La feste dura quinze iours & se fit grande rejoyissance.

Comment le Roy Iean demanda congé au Roy & la reyne d'Espagne pour s'en retourner en France

Chapitre LVII.

A Pres que les nopces furent passées, le Roy de France vint au Roy d'Espagne, & à la Reyne, & preséte leur fille, & leur dit, beau pere & vous belle, mere, vous sçauéz commét i'ay grande charge de mon royaume gouuerner & entretenir, & ay avec moy la plus grand part de mes Barons, i'ay laissé ma mere seule qui grand desir a de me receuoir. Pourco s'il vous plaist me donnerez congé, & pourtant ie n'ose demander licence d'emmener ma mie, car si c'est vostre plaisir qu'elle demeure, ie vous la recomande, ie luy laisseray son estat, comme il luy appartient: car de vos biens ie ne veux qu'elle depéde vn denier. Je vous prie traittez bien vostre peuple, & le plus que vous pourrez gardez de l'oppresser, & ils prieront Dieu pour vous. En disant ces paroles la Dame fondeit en larmes, voyant qu'elle estoit pour demeurer, & que son amy s'en alloit sans elle: ouyât le Roy d'Espagne, ce que le Roy de France luy auoit dit, luy respondit, Monseigneur, mon fils, puis qu'il vous a pleu m'auoir fait cet honneur d'auoir prins ma fille à mariage, ie vous supplie de ne la delaisser

car sans vous elle ne pourroit demeurer, comme la raison le commande. si vous supplie qu'en ce royaume, veuillez commettre tel Gouverneur qu'il vous plaira, car des maintenant ie vous liure le royaume, Monseigneur, dit le Roy de France, qu'est-ce que vous dites, ie vous prie que i'amaïs n'en soït palé, car de ce royaume & du mien, tant comme vous viurez pourrez faire & disposer à vostre volonté, car soyez seur & certain que vostre royaume ne vos biens ne m'ont point emeu à auoir vostre fille qu'icy est, mais la bonne renommée, & que c'est que vostre plaisir que ie l'emmene i'en suis fort ioyeux si elle y veut consentir : quand la Reyne de France ouyt les paroles que son mary auoit dites elle se ietta à genoux deuant luy, disant, Monseigneur, pourquoy demandez vous mon consentement, car ie n'ay point autre cœur, que le vostre : & vous assure que ne sçauriez vouloir chose que ie ne veuille, & s'il m'estoit possible de pouuoir sçauoir toutes vos volontez, ie les accomplirois. Longuement parlerent ensemble de cela. A la fin de plusieurs congé les autres,

*Comment le roy de France & sa femme partirent
à Espagne pour venir en France.*

Chapitre LVIII.

A Pres auoir prins congé les vns des autres, le Roy de France & la Reyne se departirēt despaigne, & firent tant par leurs iournées qu'ils arriuerent en France, où ils furent receus par les bonnes villes à grand honneur & triomphe. Ils firent tant qu'il



64 *L'Excellent Roman, Nommée Jean de Paris.*
qu'ils arriuerent à paris, où ils furent honorable-
ment receus: mais il seroit trop long à raconter
car grand honneur fut fait au Seigneurs, & Ba-
rons d'Espaigne qui leurs Dames auoient conduit
iusque à paris: Ils demurerent en France l'espace de
sis mois, durant lequel temps ils firent fort bonne
chere. Puis s'en retournerent en Espaigne. Au bout
de neuf mois la Reyne fit vn beau fils au bout de
cinq ans elle en fit vn autre qui fut le Roy d'Es-
paigne, apres le decés de son grand pere. Et le pre-
mier fut Roy de France apres son pere qui vesquit
longuement, tint son Royaume en paix & vniou.
Puis trespasserent de ce siecle à l'autre pour aller à
la gloire de paradis, où ie prie Dieu tout puissant
nous conduire. Ainsi soit-il.

F I N.



Jan 10

1750^f

2 Super Elm poplars

Los Pinos

